

齊河縣志序



邑之有志者起于禹貢之紀九物乎
登傳相能讀八索九丘說者以為九
丘即九物之書周禮職方氏掌三
之圉辨五教鄙人氏土于財用穀畜
園志至利害小史掌邦國之志外史

掌四方之志，之新由來，舊至於禹，
負但紀山川，負陞職方，而止男女畜
牧，至班固，漢書乃始於地理，備陳風
尚焉。禹之周，公略之，而班固悉之
也。蓋風尚視乎上，至新教化，先王有
乎土，無乎民，一是一同，故不致規之

焉，而臣畫之，且禹之言曰：「祖台，漢先
不距朕，以聲教訖于四海。」周之
曰：「惟王，禮國，經聖，設官，分職，以為民
極，也。聲教也。主為風尚，不洽可見
乎。邑之有志，亦猶川之有源也。高河
本古，視阿地，宋以前，未為邑，之自

金始歷元至明以迄我

皇朝五百有餘歲未之或改焉由是東
於會城南水通負道徑幕爾之地亦
一都會也惟是為會城之新密邇占
貢道之新不能好則安其衝遂難以
濟至疲功無以起至疲益因以滋生

敵於是東緣為奸民乃重旣前人復
無善以相遺舊階積道不可乘敷寬
啻其嘗至躡東源又苦難施而邑至
不可為夫其衝邑亦多未有如舊
河者至新以故其地豈無漸哉則蓋稽
之舊志而去其新因革也乃屢經兵

發之餘志之版久已為蛇其跡稽之
孰沿而稽之奮興待罪踰三年矣拮
拮卒瘁于乾之惕屬中經營之條理
補苴至罅漏於

諸上臺卯而翼之提而命之俟以歲
月俾以敵為之稍之有起色幸不至

相尋於覆轍蛇志已羽條之而尾譙
譙至正始譙成一志以發生曉之
音遙存

上命徵之郡邑之乘以備小吏好
矣之掌奮興益得隱生探討於此也
乃為廣進者舊而詢之冀殘編新簡

雖有存者而真生王君道元手一帙
相示則強半修蠹食幾漫漶而西
讀更細加研摩去其舛舛於其明神
廟之初年為訓導東年陶公訪年輯
而邑令尹象口浦公鑒定其邑先達
中丞房公序之也未齊河之為魯河

昔或屬平原郡或屬臨南郡唐為禹
城宋以爲魯河名鎮而名仍禹城故
其文獻在唐宋者少無徵志能不考
之也其亦見於禹城也然自是志迄
今歷多年所至竟無有繼起而叙述
之者豈令長昏日不暇給歟百年中

爰遷能一疆域猶故也而版圖之聖
耗則矣城社猶故也而廨署之存毀
則矣民生自繁修億日頌嘽咻雖久
而氣猶未溥可不謂難哉然不可不
有以纂著之出入所以日異而月不
同之故以為世輕古重者鑒也退食

公暇因取舊志以為權輿復博訪舊
聞直采近事而加一筆焉至於物類
無可確指者則仍姑闕之傳曰誌以
實存誌以實存殷石情之又慎欵
聊以誌奮興此日之辛勤庶後之繼
予而至者得據生起疲救敝之臨而

為之踵事增華云爾豈足為
當事獻既成序至端系修者為邑貢
生王君道光邑諸生張浩趙瑞吉房
韞晟王燠王純熙少
有鉛槧之勞
例

音

康熙拾貳年五月五日齊河縣知縣

陶中藍奮興謹書



齊河縣志序

網抱痾鄉居衰老日甚吐納藥
餌之外槩不向聞况文章之道
何敢珥筆取大方笑也邑誌成
網忝御紳列直從邑侯諸君
子之後勉附數語共垂不朽而


逡巡謝不敏者正恐耄年昏曠語
不成章假之人恐其不切而出之
已又恐不文能不颺颺於難之耶
雖在邑侯出其一片慈祥愷悌
之心成數年拮据擔當之政隨
使慕爾小邑煥然改觀諸君子

竭數月之精神各抒見聞共識美
舉綱何人斯而獨嘿嘿不能贊一
詞也且也度捧一冊供之案頭
與鍾呂岐黃之書簡為披閱則
在野而享寧靜之福者即在邑
而遊雍熙之天從此城郭人民

萬年如是豈非修性命希不老
者之所愉快乎隨欣於援筆而
為序

邑人叅議郝綱謹識

崇禎七年七月有五日



齊河縣志序

齊河志志齊河事以紀久也紀何以久傳
也其傳之奈何今之志古之史也史傳而
志亦傳焉耳齊河舊無志即有之亦荒殘
缺略甚矣載之未備考之未詳不備不詳
何以傳亦何以久耶

今天下盡歸方版

皇帝允輔臣請詔郡國各彙志以昭一統洵

盛典哉獨是齊地彈丸素稱繁衝民彫敝不堪其何志之克修亦何事志之必修然志爲史略志不修而史亦無由輯且茫然不辨一邑之時事又烏可以不修歟邑侯藍公聞檄至乃鳩集紳士父老共相討論因舊志而釐定之補其缺詳其略三閱月而志成同事者屬予以序予惟信以傳信疑以傳疑史也亦志也不傳信則虛不傳

疑則鑿虛且鑿幾何不見其流於妄也故齊之疆域山川可攷也平原沃野廣衍百里水浩渺環曲而北注信也無疑士敦廉隅農務稼穡齊之學校風俗不猶然未瀆歟無疑也亦無不可信也高唐處綿駒采邑屬晏子其古蹟可信也又何疑而選舉多禮樂詩書物產皆布帛菽粟亦何必信者半而疑者半歟此皆總其大者重者而

餘者可槩推矣雖然不寧惟是志非徒侈
紀載備華觀也要在詳勒民所便與苦者
無失其實使司牧得審措於興釐間而採
風觀民者亦得執此以課殿最則志也而
史具焉矣又何不可久且傳耶是敢僭論
之以爲叙

邑人舉人于 超謹識

濟河縣志序

濟屬之密邇會城者齊爲最山左之通南北者
名齊爲最冠蓋所輳倍成疲於奔命地又饒墾
甚裕饒民生多器土者厥惟難哉余閱之善治古
必諮故實而酌時宜此在凡邑盡然而以齊之
瘠疲尤不可不綜考夫疆界土產賦稅徭役官
師人物凡甚切實與當事者操糾縵而調之答

羸縮而節之鑿微惡而規之度暴暴今而協之作
其時宜與時宜舍切實舍所馮切實舍時宜無
所用參二世而運美言以斡旋其間斯大化之
成也今

國家政教淪洽中外禔福創業垂統為萬世規矧
虞守土若無以布化而宜民也備

徵邑志將以考績而問治焉則必斯舉也豈徒

委瑣蹶齧拘文牽俗修誦習傳當世取說云爾
哉我

侯藍公之成茲志也不沒乎菴而廣加屬於新裁
語有皆馳則取長而委短事多疊辭則筆一而
削餘因一字之益而義以彰緣片言之損而辭
以達後之君子取其實而折衷之於其時宜予
以無弊何以俾斯土有寧字而不患於瘠何以

俾斯民樂輸將而不苦於疲變而通之存乎其
用神而明之存乎其人則茲志也其流澤也博
甚為微也信否庶乎其可傳矣豈惟志可以傳
將成志者之苦心亦藉以俱傳矣敢綴
邑侯諸先生之辭而言於後

邑人舉人王誥謹識

齊河縣志序

夫編年紀事作於

朝廷者謂之史作於四方者謂之志是志即
史也試取一邑之記載觀之疆域廣隘物
產美惡戶口盈耗修建興廢人物臧否
吏治得失其所以鏡今昔垂鑒誠者具
矣志之所係大矣哉齊之志其始也無可
考據舊牘則修於明萬曆之十有一年憶

先嚴家食時惠念於輸每欲捃摭舊聞
纂輯成帙以為一邑文獻之徵因蒐舊乘
二冊藏諸篋思有以匡濶而弁錄焉乃歎
志未成竟為憾事茲會邑侯藍公應
部檄為增修之舉予聞之輟然喜白
猗歟盛哉斯舉也先嚴之志可藉以不晦
矣乃命予與教諸生先為之屬草於前
而公名之法泮歎揚於後於是抑之而
得其奧揚之而得其明疏之而得其通廉
之而得其節激而中砥之得其清固而存
之得其重較之舊蹟殆煥然而更新矣
善乎董子之言曰善為治者譬之琴瑟不
調必解弦而更張之乃可鼓也夫前事之鑒
後事之師為治者將更化而善俗舍前事
之鑒其道無由今而後擇斯編者疆域
何以清而不紊也物產何以生而殖也戶口

何以滋而日蕃也修建何以復而不墜也人
物何以養而日育吏治何以美而日隆也於
以興起大化鼓吹休明將在是矣若曰書名
書物書數書目而曰此一邑之筭子也豈
識是編者哉

邑人貢生王道先謹識

齊河縣志目錄

卷首

境圖

城圖

縣治圖

學宮圖

卷一

沿革志

地里志

星野志

城池志

卷二

山川志

橋梁志

官署志

衢市志

卷三

戶口志

賦役志

物產志

風俗志

卷四

學校志

兵防志

祠祀志

坊楔志

卷五

驛傳志

舖舍志

職官志

宦蹟志

卷六

恤政志

災祥志

選舉志

鄉賢志

卷七

贈廕志

忠烈志

孝義志

列女志

卷八

古蹟志

墳墓志

藝文志



寺觀志

齊河縣志目錄終

齊河縣志圖

圖引

縣何以圖曰近也何以曰近風景物象近寓諸
目前也是以圖先境詳所轄次城明所倚次縣
治本所主次學宮彰所重展卷者披圖而觀不
竟牘而一邑之大概瞭然矣故爲圖以弁諸首




城圖

北




西


西








東





東



縣治圖



學宮圖



齊河縣志卷之一

△沿革志

志曰柳子曰天地果無初乎吾不得而知之也
生民果有初乎吾不得而知之也然孰爲近日
有初爲近孰明之由封建而明之也邑者百里
之域古之封建也將列一邑之土地人民政事
而不知邑之置也誰其始之地之析也誰其分
之且地于某代何名邑于某代何隸是志其有
初也夫然安可不詳其沿革乎沿革詳則歷代

畫疆之意明而一代統轄之制見有初也而繼事終事教與養亦在其中矣故沿革不可不先也作沿革志

少昊氏 爽鳩之域

唐虞 青州之域 隸季荊氏

夏 仍青州 隸季荊氏

殷 仍青州 初隸逢公伯陵末隸薄姑氏

周 祝國地武王行狩褒封黃帝之後於祝

春秋 祝柯地春秋襄十九年諸侯盟于祝柯

左氏謂之督揚故城在今齊河東南十五里長清縣豐齊鎮北城址尚存今俗謂之古城

戰國 祝柯地 隸田齊

秦 祝柯地 隸齊郡

西漢 祝阿縣地高帝改祝柯爲祝阿縣 屬

平原郡王莽謂之安成

東漢 仍祝阿地耿弇討張步率師濟河拔祝

阿因名耿濟鎮耿濟之名始此 屬平

原郡

三國

仍祝阿地

隸魏

晉

仍祝阿地

改屬濟南郡

南北朝

仍祝阿地

改屬太原郡

隋

仍祝阿地

屬齊郡舊曰齊州

唐

禹城縣地天寶元年廢祝阿為禹城在

西北去舊城八十餘里

屬齊州濟南

郡

宋

始置齊河鎮齊河之名始此仍禹城地

屬齊州濟南府

金

偽齊劉豫始築城池置齊河縣 屬濟

南府

元

仍齊河縣

改屬德州

明

仍齊河縣

屬濟南府

國朝

仍齊河縣

屬濟南府

論曰齊距會城僅四十里誠扼要地矣乃宋以

前未置縣而城之則自金偽齊阜昌始是金以

前尚多革而金以後則沿而不革非後之憚于

更張也勢宜革而不因則革之者善勢宜因而
不革則因之者善齊當南北之衝而居入海濟
水之濱其爲會城右臂而作之藩籬者齊不宛
然一巖邑哉至于地以人重則耿濟之名至今
傳之人以地靈則自元迄今衮衮名卿繼起齊
顧可鎮而不城耶夫城之名鯨始之齊邑之城
豫始之正未可以其人而少之也

地里志

志曰先王體國經野以爲民極故周禮大司徒
掌天下土地之圖以周知廣輪之數非徒知其
數也蓋政事之煩簡田壤之腴瘠咸于焉徵之
吏斯者生聚教訓生斯者安土重遷不將在是
與雖犬牙相制參錯難稽然建邑以來而編戶
有定則四履劃然可考也作地里志

縣境東西九十五里南北一百一十里東至長清
界半里其由長清界至歷城四十里西至高唐
界七十五里至高唐州一百二十里南至長清
大清河界一里至長清縣三十五里北至臨邑

界八十里至臨邑縣一百二十里 此四正之界
東南至長清界半里其踰長清界至泰安州一
百八十里西南至長清三十里其踰長清界至
荏平縣一百二十里西北至禹城界三十五里
至禹城縣七十里東北至濟陽界六十五里至
濟陽縣一百二十五里 此四隅之界 北至
京師八百五十里

編戶二十七圖

坊廓一圖 縣北一里 仁和鄉五圖 縣西南二十

五里 古倫鄉十二圖 縣西六十里 節婦鄉六圖

縣北八十里 順和鄉三圖 縣東北六十里

父老相傳河東長清地舊有齊河三里因隔河
完租不便後改屬長清今長清志云原編四十
一里增三里或卽此也

附屯所 濟南衛十四屯 青州衛二十九屯 係明
洪武年設俱在古倫節婦等鄉

形勢

東屏會城西連運道南瞻泰嶽北拱

神京而濟河水來自西南匝如圍帶大清橋盤于向東
長如垂虹策肥陸馳者盡東西南北之人擊楫
舟行者多商賈魚塩之客雖不敢曰勝地當亦
非寂寞之鄉云邑朱公銳有八景詩載藝文志
中茲不贅

論曰疆域定制縣有分土而廣袤遠近煩簡衝
僻遂有迥乎各異者如齊路通九省而凡皇華
朝會者無不于此駐節焉冠蓋相望絡繹如織
供億委積殆無虛日亦可謂衝煩甚矣乃編戶
僅二十七里地縮民稀而屯田且去十之二司
土者悉索奔應幾於胼無胼脛無毛矣監轄于
此者其亦念爲令之難而寬其手足耶况形勢
如斯自非僻陬者比當事者有以整飭而培植
之安知不爲如雨如帷之齊乎

星野志

志曰自周禮保章氏以星土辨九州之封域而
觀其妖祥而分野之說興春秋傳云在列國謂
之分星在九州謂之星土正義云衆星列布體

生于地精成于天列居錯峙各有所屬然則一郡一邑謂不與星野相關者非也倘曰識緯矯誣儒者不道彼彗見昴而曹族火貫畢而邇朱殲何說歟然惟德動天熒惑退舍知君子自有克謹天道之法在唐僧一行以星之與土屬于精氣而不屬于方隅是又可以深思其義矣作星野志

按星野齊邑居危宿之次入危一度

論曰按司馬遷史記曰燕齊之疆候在辰星占于虛危春秋運斗樞曰虛危之精流爲青州分爲齊國女須虛也懸枵危也晉天文志曰濟南入危一度唐天文志曰須女虛危懸枵也初須女五度餘二千三百七十四抄中虛九度終危十二度其分野自濟北東踰濟水涉平陰至於山荏循岱岳衆山之陰東南及齊密又東盡萊蕪之地得漢北海千乘淄川濟南齊郡及平原渤海九河故道之南濱于碣石夫詳考諸論博察地里而齊邑之入危無疑矣第觀一宿之當

於衆土如此而謂一區之人事關一國之天象
一隅之臧否成列宿之吉凶此亦不必然之數
矣雖然乖足招尤機不在大和可致福理不在
微倘在斯土者果上有嘉德而下無違心則感
應之影響敢操券合之

城池志

志曰王公設險以守其國則城池以衛社稷人
民不洵要耶古者天子千雉公侯百雉子男五
十雉爲制不同而鞏固方宇之意則一其爲未
雨綢繆之防者可弗豫計乎然而衆志成城又
不關金湯天塹之爲竒矣則上下同心人和多
助以無形之城保有形之城者不能不於將來
有厚望云作城池志

金僞齊阜昌初始築城池周圍五里三十步高一
丈三尺頂濶一丈根濶二丈二尺城樓四座鉄
裹門八扇城門東額曰臨濟南曰瞻岱西曰康
成北曰拱極角樓四墩臺八雉堞一千二百四
十城外設隍塹周圍六里高七尺頂濶五尺根

濶七尺深七尺

金大定戊子春知縣劉信重脩

明弘治十四年春知縣趙清等重脩

正德六年流寇殘破知縣李秀主簿路垣重脩

隆慶六年知縣陳天策改南門邑人都御史孟

養性有記

萬曆八年春知縣浦卿縣丞賈盈科重建北門

樓有記

崇禎十四年知縣張安豫重脩東北二面甃以

甃西南二面仍土築東北二門各置空心敵樓

論曰昔先王量地以制邑度地以居民甚矣初

始者之艱也齊邑踞濟水滸地最高阜相土者

于此而城可謂精于宅卜矣但厥上白墳坏築

不易自昔以土築至今五百餘年而盤基未圯

亦可想初始者之勞且甚也歷代完堞繕障建

樓浚隍厥工不一不可謂非固圉之意然經營

已久或不無風雨鳥鼠之侵是在後之脩葺者

增卑倍薄俾有基勿壞則峻爲天險矗與雲齊

庶不失扁鑄土宇緘滕地維遺意矣

齊河縣志卷之一終

齊河縣志卷之二

山川志

志曰志山川者何天地爲之限隔風氣爲之不
通且以辨土宜察險易著形勝也禹貢奠高山
大川周禮職方氏掌天下之圖辨九州之山鎮
澤藪豈獨表其封域已哉亦借以固吾圉也層
巒疊嶂齊故無之而汪洋浩瀚清濟亦一巨觀
也特著之以弁其餘俾後之視之者於以辨土
宜察險易而著形勝具在是矣作山川志

齊河縣志 卷之二
長嶺 在縣東南盤旋迤邐宛若環維之狀
大清河 在縣城東半里卽神禹所䟽濟水故
道也據今水自漁山出而其實非源之所自始
也今以源流考附

按河源出河南懷慶府濟源縣王屋山山在縣
西百里上有黑龍洞洞前有太乙泉是爲泲水
潛行地下至共山南復出於東丘濟源縣有故
原城東北有東丘城也水有二源東源出原城
東北西源出原城西皆平地周圍各柴百餘步

逕原城東北合流爲濟水東至溫城西北與故
瀆分爲二其一爲南濟歷鞏縣逕成臯過滎陽
濟黃河而南矣其北濟故瀆自溫城西北東故
陽武縣故城北逕延津縣界東過封丘縣北及
故宋地濟陽縣北或伏或見東出於山東定陶
縣之陶丘北東逕曹縣地入鉅野澤東北逕壽
張縣西界安民亭南東合汶水水東臨東平州
故無塩縣界郡志云大清河又北至棘城西矣
至是大清之名始見亦謂之塩河以其爲濟南

鹽運南北河道也北逕漁山東卽吾山漢武帝
瓠子歌所云吾山平者在東阿縣西八里東北
逕清亭東北逕平陰縣城西又北過防門逕什
城北祝阿人孫什將家居之以避時難者又東
北逕盧縣故城北與中川水合長清縣南沙河
也北至齊河縣南界張村集又合長清北沙河
東北流凡河東南岸皆長清地西北岸皆齊河
地至齊河城南逕城東過大清橋北百餘步右
合玉符水又東北灤水注之濟南諸泉於府北
合流北注於濟謂之灤口也東逕華不注山北
東北至濟陽縣逕城南城東東北逕齊東縣城
北東北至利津縣逕城東東北至淀河又東北
至淀臺入海

玉符河 在大清橋北水自東流來合大清河
北流入海其水盡逕長清地而凡齊邑赴會城
者過大清橋則必逕此春冬止需土橋夏秋大
雨時行自泰山北一帶川谷溪壑皆會此入濟
其水暴漲波浪湍急凡官府行旅往來皆齊河

設船以待齊非無事於此者因并考其源流以紀之

按水經云濟水又東北右會玉水注曰水源導朗公谷舊名琨瑞溪有沙門竺僧朗少事佛圖澄碩學淵通尤明氣緯隱於此谷因謂之朗公谷其水西北流逕玉符山又曰玉水又西北逕獵山東又西北枕祝阿縣故城東又西北至郭家岸入大清河卽今之開河店也

趙牛河 卽舊利民河在縣西二十里西南至長清連楊堤西北至禹城界長百餘里地勢窪下夏秋水溢滄沒禾稼民甚苦之明弘治十七年知縣趙清縣丞牛文增掘河濶一十五步深二丈民至今賴之故名趙牛河

溫聰河 在縣西北二十五里滕官屯西其河因劉洪坡秋水泛溢滄沒禾稼鄉民溫聰告准脩河以洩劉洪水勢時謂溫聰河

倪倫河 在縣北二十五里晏城南其河因楊家坡秋水大注滄沒禾稼鄉民倪倫告准脩河

以洩楊家坡水勢時謂倪倫河有石碑在縣西八里庄

徒駭河 在縣北八十里卽禹疏九河之一東北入於海

刁強河 在節婦鄉貳圖離縣四十里

丁聰河 在孫耿鎮南

論曰天地之氣結而爲山融而爲川以故鍾秀含靈挺生聖哲蓋自昔然矣齊河水洄曲而地

坦平考諸前日異才蔚蒸謂非有所本哉乃今不逮昔遠甚豈川嶽之氣分與亦人生以後其所自爲政者異耳嗚呼產於斯者其尚知所以爲山川增彩仕於斯者其尚知所以爲山川育材者乎

橋梁志

志曰雨畢除道水涸成梁先王之慮民涉也而橋梁之制所由備焉其事則隸之冬官載在律令不以細故而廢之典綦重哉昔溱洧之濟非不甚美然惠矣而昧於爲政則知徒杠輿梁之

成亦烏得不因時而飭之獨是興也廢也最易
忽也澤不陂川不梁單襄公有以下陳矣起其
敝而新是圖必有植其事而無容翫者作橋梁
志

大清橋 在縣東半里許卽大清河橋也地係
九省通衢往來病涉舊惟架木爲梁易於傾毀
明嘉靖二十七年羽士張演昇發願募脩石橋
真人陶仲文捐銀助之復奏發帑金一萬四千
餘兩勅巡撫沈應龍站泐派九縣夫役委濟南府

同知王應乾通判蕭音督脩至三十四年橋成
九空石皆鐵鉗上置狻猊檻柱經營完密結構
最工建東西二坊一額曰大清橋一額曰濟水
朝宗至天啓七年山水漲發橋欄盡被衝損邑
監生劉一琳捐金募化脩補

國朝順治八年黃河金龍口決衝入濟河故道水勢
滔天駕橋而上澎湃湍激之聲旬聞數里五年
餘而橋屹然未動獨東西兩端並石檻爲水衝
毀章丘縣監生穆遇春捐金募化稍爲補葺又

於橋西增置小橋七空雖謀爲粗畧未竟厥工
而行旅亦姑借以得便耳

高家橋 在縣西四十里因趙牛河秋水暴溢
阻滯行旅鄉民高祿出貲脩橋以便往來至今
賴焉時稱高家橋

張村閘 在縣西南二十五里萬曆十六年建
旋卽湮沒今爲張村渡

劉家閘 在縣東北八里今廢

袁家渡 在縣西南八里

韓家渡 在縣東北十里卽北紅廟

李家渡 在縣東北十五里

丘家岸渡 在縣東北二十里

汪家渡 在縣東北三十里

論曰齊距會城如門庭而咽喉九部橋梁之要
莫有甚於清濟者惟是河決泛漲易成傾毀雖
少爲脩葺亦惟時奠其不潰耳凡皇華之馳驅
檄奏之往來商旅之出入究何賴焉若夫收而
場功待而畚揭以補苴之使人履雁齒而無蹇

裳濡軌之患非異人任有司責也昔薛惠爲彭城令橋梁不修薛宣卽知其不能是烏可忽哉
官署志

志曰官署之設與邑俱置蓋非自今昉也其間堂霽廨宇前人不志塗茨丹雘之勞美輪美奐攸躋攸寧巖巖爲民所瞻哉齊邑蕞爾官署俱備中爲令長之署端向軒翔傍爲丞尉之衙環維拱翼其爲廣文齋者固博士弟子羣萃州處所講學而絃誦也其爲行臺者尤冠蓋之客相

望於道所往來而駐節也他如旌善有亭講武有廳凡有關於治者莫不式廓弘厥稱雄於鄰境間迄今制雖浸墮觀風者猶可按蹟而考其舊云作官署志

縣治 在城內東門大街南向明洪武三年知縣王得成建弘治十四年知縣趙清重脩正德六年流寇殘毀知縣李秀復脩

大堂

五間額曰忠愛堂

贊政廳

三間大堂左康熙十一年典史許國傑重脩

架閣庫

三間大堂右

東司房

六間今廢

西司房

六間今存

戒石亭

皂隸房

東西各一間

儀門

三間東西角門各一間

大門 三間 快手房

二間在儀門外東今廢

縣獄

在儀門內西內有獄

神祠男獄七間女獄三間

羈候倉

在儀門外西

土地祠

三間在大門內西

寅賓館

三間在大門內土地祠西

寅賓館二門

一間今廢寅

賓館大門

一間今廢

退堂

五間

庫樓

三間今改

縣宅正廳

五間康熙七年知縣杜成棟重脩

後住宅二層

各五間

熙十一年知縣藍奮興重脩

東書房二座

各三間康熙十年一年知縣藍奮興

重脩縣丞衙

在縣堂東康熙十年吳世貢重脩

主簿衙

在縣堂西今裁

改爲驛馬廩

典史衙

在縣堂前迤東康熙六年典史許國傑重脩

陰陽學

縣西今廢

僧會司

在定慧寺內

醫學

在縣南今廢

旌善

亭申明亭

共六間在縣西今廢

布政司

在縣治東稍南今廢

東察院

在縣治東今廢

府館

在縣治南路西今改爲漕米廩

南察院

在縣

治南今廢

論曰聞諸父老言昔官署盛時雕宇連甍稱爲

巨觀迄今衙舍僅蔽風雨而郵館蕩然無存焉

顧昔也棖題今也瓦礫昔也丹堊今也荆榛昔

也門闌牕牖延袤百餘楹今也雨漏風摧傾圮

無數屋則次第經營以光復舊制何可緩歟雖

齊河縣志

卷之二

官署

九

日時紕舉羸版築之功木石之材實未易辦而行旌至止借寓民間湫溢囂塵殊非所以壯觀瞻也寧不爲之重念於斯乎

衢市志

志曰天下攘攘皆爲利往者其惟市乎日中而市商賈飾肆以待百貨交陳紛至還來貿易有無錙銖必周秋毫必晰亦利之所在人爭趨之耳然壟斷之行君子羞焉若夫市有雕鏤則知俗賤蔬粟市有纂組則知世厭女紅屨賤踊貴

知齊有淫僻之刑士女婆婆見陳有好巫之樂

故司市納價可於此觀民風焉作衢市志

東街 西街 南街 北街 大隅首 縣城中

小隅首 縣治 晏城驛街 南門內東 舊教場 城內西北隅

後倉街 城內東 馬廠衙衙 西門內北 芙蓉巷 舊妓院今廢

東關集 西關集 南關集 北關集

丘家岸集 縣東北十八里 孫耿集 縣東北五十里 褚家營集 縣東

北六十 里今廢 鱸塲集 縣東北三十里 馬寨集 縣北二十里 安頭集

縣北四 李家坊集 縣北五十里 乾隅頭集 縣北七十里

二郎廟集

縣北七十里

晏城集

縣西北二十五里

華店集

縣西

北四新店集

縣西二十五里

倫鎮集

縣西五十里

菩薩堂集

縣西六劉宏集

縣西南三十里

孟家店集

縣西南四十里

花家

集

縣西南三十里

張村集

縣西南二十五里

賈家市集

論曰自一人之身不能備百工之用於是貿遷

化居有無相易而市起焉齊邑藐爾土宇縣之

街煙火寥寥可一望盡鄉之鎮晨星落落可屈

指數土瘠民貧可知矣是以四關及各鄉非定

期則不集非集則不得易且花布雞豚糧草果

蔬之外無他奇貨第市井之習機偽日生或不

能無售贗鬻欺者此雖賈豎之恒情乎然亦不

可不知所戒矣

齊河縣志卷之三

戶口志

志曰書稱邦本詩重維垣豈非以戶口之增損
國勢之強弱攸關歟古者司民掌登萬民之數
自生齒以上皆書於版三年大比以萬民之數
詔司寇獻其數於王王拜而受之登於天序內
史司會冢宰貳之以贊王治思深遠哉其法也
惟是水旱兵燹不一而逃亡日衆尺籍日虛遂
有有名而無實者齊自建邑以來及今五百餘

歲矣一治一亂相尋亦時爲羸縮今日者四郊
無壘何難日以生聚則雞鳴犬吠煙火萬家寧
非在撫育之得其人哉作戶口志

原額不分等則人丁肆萬肆千肆百壹拾貳丁
順治四年撫按兩院

題准除豁逃亡人丁叁萬叁千貳拾肆丁

順治十一年分新增人丁貳千肆百捌拾丁

順治十二年至十六年新增人丁壹千壹百叁

拾壹丁

康熙元年分新增人丁壹千貳百玖拾陸丁

康熙五年分新增人丁壹百貳拾貳丁

康熙八年分新增人丁壹千肆拾陸丁

實該逃亡人丁貳萬陸千玖百肆拾玖丁

見在并順治十一年至康熙八年新增共人丁

壹萬柒千肆百陸拾叁丁內除鄉紳舉貢生員

優免本身丁肆百玖丁實在當差人丁壹萬柒

千伍拾肆丁每丁徵銀壹錢捌釐實徵銀壹千

捌百肆拾壹兩捌錢叁分貳釐

論曰從來戶口之稽區爲九等三則俱以版冊爲定齊邑昔亦稱蕃庶矣明萬曆間審流編戶尚分爲八則後以天菑人患饑饉相仍以一里分十甲而甲或缺十之六以一甲摠十戶而戶或逃十之九不分等則勢有不得不然者

國朝奠鼎仁恩浩蕩憫凋耗之遺黎而勞徠安集靡不備至招撫悲鴻極其周詳人丁止據見在者入版而包酒賠累一洗往昔之陋近且村煙日暖雖未臻鱗集之盛亦漸蕃滋生起色矣司土者更爲撫輯而噢咻之擊鞞摩肩當拭目俟之耳

賦役志

志曰國家有一日不需財者哉自禹貢則壤以後唐行租庸調古今稱善而楊炎復變爲兩稅至今因之蓋掣制顯庸轍不必舊通權達變制相平時要存一寬恤之心則斯民卽陰受其福矣

國朝賦法雖仍前代而兩稅之外無他徵正項之餘

無雜派立以兩限驗以由卑防蠹摘奸可謂詳
且盡矣豈非用兩稅之法而兼以美意歟且時
豐則預備爲常歲荒則賑蠲不吝古者冢宰以
九賦任萬民而卽以保息六養萬民荒政十二
聚萬民所謂本關睢麟趾以行周官之法度者
不在今日也耶作賦役志

見在並順治十二年至康熙元年共徵丁銀壹
千柒百壹拾伍兩陸錢捌分捌釐

原額一例徵糧地肆千陸百柒頃壹畝伍釐

除荒地壹千捌百玖拾伍頃玖拾貳畝叁分捌
釐伍絲

成熟並順治拾貳年至康熙叁年開墾貳千柒
百壹拾壹頃捌畝陸分陸釐玖毫伍絲每畝徵
銀伍分玖毫捌絲肆纖伍沙玖塵壹渺貳漠共
徵銀壹萬叁千捌百貳拾壹兩壹錢叁分貳釐
肆毫壹絲捌忽壹微陸纖柒沙每畝徵麥叁合
伍勺捌抄壹撮肆圭玖粟捌顆共徵麥玖百柒
拾石玖斗柒升伍合貳勺伍抄捌撮玖圭貳粟

擗顆每畝徵米貳升玖勺壹抄貳撮叁圭肆粟
玖顆共徵米伍千陸百陸拾玖石伍斗壹升玖
合貳勺叁抄柒圭貳粟柒顆

寄庄地壹百伍頃貳拾肆畝壹分除正項在於
原額地畝內徵派外每畝外徵銀壹分共徵銀
壹百伍兩貳錢肆分壹釐

原額額外荒田地柒拾玖頃肆分叁釐伍毫每
畝徵銀貳分共該徵銀壹百伍拾捌兩捌釐柒
毫

除荒地柒拾伍頃柒畝柒分叁釐伍毫

成熟并開墾地叁頃玖拾貳畝柒分共徵銀柒
兩捌錢伍分肆釐

以上丁地共徵銀壹萬伍千陸百肆拾玖兩玖錢
壹分伍釐肆毫壹絲捌忽壹微陸纖柒沙麥玖
百柒拾石玖斗柒升伍合貳勺伍抄捌撮玖圭
貳粟捌顆米伍千陸百陸拾玖石伍斗壹升玖
合貳勺叁抄柒圭貳粟柒顆

康熙五年至康熙八年新增人丁共徵銀壹百

貳拾陸兩肆分肆釐

康熙四年分至康熙拾貳年分起科歷年開墾大糧并額外荒田共地叁百伍拾玖頃肆拾玖畝捌分捌釐壹毫捌忽

以上丁地新增共徵銀壹千玖百伍拾柒兩壹錢柒分肆釐陸毫肆絲伍忽伍微伍纖麥壹百貳拾捌石伍斗陸升肆合陸勺陸撮肆圭陸粟柒顆米柒百伍拾石陸斗捌升捌合壹勺肆撮玖圭貳粟柒顆

一丁地起運

戶部項下

夏稅折色銀柒百伍拾陸兩壹錢壹釐陸毫捌微捌纖

秋糧折色銀貳千柒拾肆兩柒錢壹分壹毫伍忽捌微貳纖

馬草折色鹽鈔折色宗祿折色花絨黃蠟折色九釐民兵本省兵餉各項共銀貳千肆百貳兩肆錢柒分壹釐柒毫壹絲柒忽陸微陸沙陸塵

宗祿本色米壹百玖拾石陸斗陸升肆合貳勺
陸抄伍粟叁顆

順治九年至康熙五年裁扣各項共銀壹千肆
百貳拾肆兩伍錢肆分伍毫貳絲玖忽柒微叁
纖伍沙

額外荒地銀柒兩捌錢伍分肆釐

禮部項下

光祿寺

細粟米銀叁百柒拾伍兩貳錢玖釐肆毫陸絲

壹忽肆微叁纖

兵部項下

京班皂隸柴薪銀肆拾肆兩貳錢壹分叁釐捌
毫叁絲玖忽玖微柒纖

太僕寺

馬價并種馬草料共銀柒百兩柒錢壹分捌釐
玖毫壹絲捌微

工部項下

虞衡司料價木柴胖襖柴夫共銀叁百肆拾叁

兩肆錢陸分陸釐伍毫壹絲叁忽玖微叁纖

以上通共解 戶部銀捌千壹百貳拾玖兩貳錢

玖分陸釐陸毫捌絲壹微柒纖壹沙陸塵內除

補本縣晏城驛夫馬工料不敷銀叁百伍拾肆

兩壹錢叁分伍釐玖毫陸絲止該解 戶部銀

柒千柒百柒拾伍兩壹錢陸分柒毫貳絲壹微

柒纖壹沙陸塵米壹百玖拾石陸斗陸升肆合

貳勺陸抄伍粟叁顆康熙四年至康熙十二年

新增 戶部折色銀壹千捌百貳拾壹兩叁錢

貳分伍釐柒毫叁忽貳微伍纖米貳拾伍石貳

斗肆升伍合肆勺壹抄柒撮壹圭肆粟伍顆內

補本縣孤貧月糧進士舉人牌坊銀壹百柒拾

肆兩壹錢肆分伍釐貳毫陸絲柒忽柒微柒纖

柒沙叁塵該 戶部折色銀壹千陸百肆拾柒

兩壹錢捌分肆毫叁絲伍忽肆微柒纖貳沙柒

塵米貳拾伍石貳斗肆升伍合肆勺壹抄柒撮

叁圭貳粟伍顆

一本色

戶部

京庫地畝綿花絨陸拾肆斤捌兩玖錢貳分陸
釐并鋪墊脚價共銀伍兩貳錢柒毫捌絲貳忽
肆微壹織

供用庫黃蠟壹拾叁斤壹拾貳兩玖錢捌分并
脚價共銀貳兩柒錢捌分肆釐叁毫肆絲捌忽

工部

狐狸皮肆張叁分并脚價共銀貳兩玖分壹釐
玖毫捌絲捌忽叁微叁織新增狐狸皮柒分叁
毫并脚價共銀叁錢伍分玖毫伍絲陸忽貳微

柒織

一漕糧

兌軍僨運本色正耗米壹千伍百陸石肆斗捌
升貳合玖勺柒抄壹撮叁圭陸粟新增米壹百
玖拾玖石肆斗陸升玖合玖勺柒抄貳撮叁圭
陸粟肆顆

輕賚蓆草脚價盤費共銀貳百肆拾捌兩伍錢
叁分伍釐伍絲貳忽伍微伍織新增銀叁拾貳

兩叁錢肆釐柒毫貳絲壹微

德州倉改兌本色正耗米貳千捌百貳拾肆石陸斗伍升伍合伍勺肆抄陸撮壹顆新增米叁百柒拾肆石陸合壹勺玖抄柒撮貳圭伍粟貳顆

蓆草脚價盤費共銀叁百壹兩肆錢玖分捌釐叁毫肆絲壹忽壹微捌纖陸沙新增銀叁拾兩玖錢肆分貳釐貳絲捌忽貳微貳纖

一運軍行糧

運軍行糧本色米壹百壹拾柒石陸斗玖升叁合玖勺捌抄壹撮柒圭新增米壹拾伍石伍斗捌升叁合伍勺玖抄壹撮肆圭貳粟陸顆脚價銀捌兩叁錢玖分陸釐叁毫貳絲伍忽貳微柒纖柒沙新增銀壹兩柒分捌釐肆毫柒絲柒忽伍微陸纖

一倉糧

德州倉本色正耗米肆百肆拾伍石貳斗叁升壹合貳勺壹抄壹撮柒圭貳粟新增米伍拾捌

石玖斗伍升貳合伍抄叁粟

蓆草腳價盤費銀叁拾貳兩肆錢陸分陸釐柒毫陸絲陸忽壹微玖纖新增銀肆兩壹錢柒分壹毫肆忽叁微貳纖

臨清倉本色正耗米伍百捌拾肆石柒斗玖升壹合貳勺伍抄玖撮捌圭玖粟叁顆新增米柒拾柒石肆斗叁升捌勺柒抄陸撮伍圭叁粟

蓆草腳價共銀肆拾壹兩捌錢陸分捌釐叁毫伍忽捌微肆纖新增銀伍兩叁錢柒分柒釐陸毫伍絲玖忽壹微貳纖

臨清常盈倉本色小麥玖百柒拾石玖斗柒升伍合貳勺伍抄捌撮玖圭貳粟捌顆新增小麥壹百貳拾捌石伍斗陸升肆合陸勺陸撮肆圭陸粟柒顆

蓆草腳價銀捌拾玖兩陸錢玖分叁釐陸毫叁絲肆忽肆微柒纖新增銀壹拾壹兩伍錢貳分肆毫伍絲壹忽柒微柒纖

臨清常盈倉粟米折色並盤費共銀貳百肆拾

玖兩伍錢肆分肆釐貳毫柒絲肆忽玖微柒纖
新增銀肆拾貳兩壹錢貳釐陸毫肆絲肆忽玖
微肆纖

以上起運本折正費共實徵銀捌千柒百伍拾柒
兩貳錢肆分伍毫叁絲捌忽捌微伍纖肆沙陸
塵實徵麥玖百柒拾石玖斗柒升伍合貳勺伍
抄捌撮玖圭貳粟捌顆實徵米伍千陸百陸拾
玖石伍斗壹升玖合貳勺叁抄柒圭貳粟柒顆
新增銀叁百玖兩玖錢玖分肆釐貳毫壹絲柒
纖柒沙叁塵麥壹百貳拾捌石伍斗陸升肆合
陸勺陸撮肆圭陸粟柒顆米柒百伍拾石陸斗
捌升捌合壹勺肆撮玖圭貳粟柒顆

一丁地存留

起運折色脚價銀叁拾柒兩伍分貳釐肆毫肆
絲貳忽貳微捌纖貳沙伍塵

官俸役食實徵并本縣撥補除荒共銀貳千肆
百壹拾兩伍錢叁分壹釐柒毫叁絲柒忽柒微
叁纖柒沙柒塵內除裁扣銀捌百柒拾叁兩貳

錢肆分伍釐陸毫玖絲柒忽玖微肆織歸入起
運外

實存銀壹千伍百叁拾柒兩貳錢捌分陸釐叁
絲玖忽柒微玖織柒沙柒塵

驛站里甲夫馬實徵并本縣撥補除荒銀肆千
捌百捌拾叁兩陸分肆釐肆絲又動丁地抵補
晏城驛站銀叁百伍拾肆兩壹錢叁分伍釐玖
毫陸絲貳項共銀伍千貳百叁拾柒兩貳錢

雜支實徵并本縣撥補除荒銀貳百壹拾玖兩
貳錢柒分叁釐貳毫貳絲玖忽貳織柒沙貳塵
內除裁扣銀壹百叁拾捌兩壹錢叁分陸釐捌
毫叁絲壹忽柒微玖織伍沙歸入起運外

實存銀捌拾壹兩壹錢叁分陸釐叁毫玖絲柒
忽貳微叁織貳沙貳塵

以上存留共實徵銀柒千伍百肆拾玖兩玖錢貳
分壹釐肆毫肆絲玖忽肆織柒沙肆塵又動丁
地抵補晏城驛站銀叁百伍拾肆兩壹錢叁分
伍釐玖毫陸絲貳項共銀柒千玖百肆兩伍分

柴釐肆毫玖忽肆織柴沙肆塵內除裁扣充餉
銀壹千壹拾壹兩叁錢捌分貳釐伍毫貳絲玖
忽柒微叁織伍沙歸入起運外

實存銀陸千捌百玖拾貳兩陸錢柒分肆釐捌
毫柒絲玖忽叁微壹織貳沙肆塵

論曰古人占邑之貧富不以貲財而以戶田戶
田旣盛庶物自興是以稽其登耗而邑之盈絀
可知書稱青州之域厥土白墳厥田惟上下厥
賦中上此槩齊地而言之也而齊邑地之磽确

則有不類於他邑者往昔賦法亦有三等之分
嗣後改爲一例乃昔何以逋租負欠輕去其鄉
今何以牽挽樂輸不缺於供豈向之民貧而今
之民富歟是必招徠撫綏又安有其道矣大學
言生財以生衆食寡爲疾用舒爲本今在民者
不爲加賦而寧裁在官舊逃者不責追賠而但
憑新墾易曰財成天地之道輔相天地之宜以
左右民敢忘

國家勞相之恩哉

物產志

志曰禹別九州之土而登其漘絲織文鉛松怪石於貢王制又命市納價以觀民好惡則物產之必書所以辨土宜而察習俗之所尚也齊無異產若菽粟若布帛若蔬菓花木以至鱗介羽毛凡其產於斯者備著之亦以記其實耳然有昔有而今無者有昔多而今少者不可槩求也若曰必取足於此是按圖而索驥矣作物產志

穀類

黍 有紅黃白黑四種

大麥

小麥

蕎麥

穀

有黃白

豆

有五色大小十餘種

芝蔴

有紅黃白黑數種

藟

有紅黃白黑數種

蔬類

芥

葱

韭

芹

莧

茄

蒿苳

金蓂

蔓菁

茗薈

芫荽

苘蒿

白菜

黃花

眉豆

白蘿蔔

菠菜

玉環

蒜

辣菜

山藥

胡蘿蔔

椿芽

花椒

秦椒

紅白團蘿蔔

瓜類

西瓜

冬瓜

南瓜

黃瓜

稍瓜

甜瓜

菜瓜

絲瓜

北瓜

番瓜

瓠瓜

葫蘆

菓類

棗

有數種

桃

有十餘種

杏

有數種

梅

有紅黃數種

李

有數種

梨

有數種

葡萄

有白黑數種

蘋婆

沙菓

蜜菓

秋子

文官菓

石榴

有數種

核桃

芋頭

櫻桃

桑椹

海棠菓

花類

牡丹

芍藥

迎春

薔薇

臘梅

玫瑰

蜀葵

雞冠

玉簪

石竹

鳳仙

金盞

金雀

菊花

月季

木槿

扁竹

丁香

紫薇

金錢

馬纓

紫荊

木香

五色梅

秋海棠

紫簪

木類

栢

竹

槐

榆

椿

桑

白楊

青楊

梧桐

青桐

楸

柘

椒

棠梨

棟

荆

草類

苜蓿

纏松

蘆葦

馬蘭

茅莠

蓬

茜草

女蘿

薜茄

艾蒿

藥類

杏仁

桃仁

牽牛

茵陳

栝藁

兔絲子

葶藶子

車前子

蒺藜

薄荷

天花粉

益母草

夏枯草

紫蘓

蟬退

南星 半夏 皂角 棗仁 馬兜苓

泉類 絲絹 綿紬 綿布

鳥類 鵝 鴨 雞 鶉 鴿 雀 鵲 鳩

鴉有數種 野雞 鷺鷥 布穀 鴟鴞

鵝 鴉善鳴 鴉蓄之二三年能人言 以上本地生產

燕 黃鸝 鶉 以上春來抱生秋冬南去

雁 鴛鴦 鸕鶿 鶻 鶻善鬪 蠟嘴 鷹 以

上春往北過秋冬南去

獸類 牛 馬 羊 驢 騾 犬 猫 豕

鼠 狐 貉 兔 狼 獾

鱗類 鯉 鯽 鮎 鱉 蟹 魴 鱸 蝦

論曰物固不擇地而生必各隨其土之所宜齊

之物產固昭然其可考矣然盤飧皆辛苦而樽

節愛養斷有所難已者借使胼胝得之泥沙用

之幾何不見其貧且匱也惟是歲杪而會其多

寡量入為出以時以禮則生之靡盡用之無窮

於以養生喪死無憾王道之始庶幾其近之矣

有民社之責者其留意焉

風俗志

志曰禹貢職方紀山川物產而不紀風俗風者上之所感俗者下之所習與化爲移易者也古稱齊俗急功利喜夸詐詩之齊風遭狃以刺好田獵俟著以刺不親迎以今觀之近世士大夫崇尚禮讓不事干謁庶民男耕女織茹藿被毳少有牽牛服賈于遠方者嫁娶喪祭之禮秩秩然豈今竟異於古所聞耶抑嘗一變至魯歟然淳者易澆勤者易怠樸者易散儉者易奢亦浸浸以薄矣教化之責豈可緩哉作風俗志

元日五更各家設香楮牲果盛服拜天地次竈次祖考次父母尊長後往親友家互相拜賀上元夜巨家張紗燈或琉璃羊角燈放花砲邀客劇飲貧家亦作麩燈供天地祖考並散門庭間是夜無論士夫百姓皆過大清橋放河燈擊鑼鼓粧扮戲劇爲樂夜半乃歸

二月二日家家庭內以豆箕灰作廩圜謂其宜五穀

清明前一百五日添塚上土至清明日陳祭物
焚楮祭掃插帶柳枝結伴踏青女兒作鞦韆戲
田家飯牛益以乾糲

端午日插艾葉帶繭虎食角黍飲硃砂雄黃菖
蒲酒以解毒凡各家兒女手足及項并擊五色
絲縷俗謂長命索

七月十五日各祭掃墳墓

中秋夜各家對月飲酒謂之圓月或邀客徹夜
劇飲

十月一日祭掃墳墓焚紙剪衣謂之送寒衣滌
場以後綿花在野取之不禁

臘八日以各種穀作粥投諸果餌食之謂之臘
八粥

二十三四日各家設果品作黍糕以市上餽作
各花樣供竈神謂之辭竈

除夕日易門神掛桃符民間多以是日嫁娶

立春前一日作泥牛芒神預設於東郊行戶辨
雜戲故事各職官吉服出拜迎春飲盒酒回於

縣堂上仍設筵邀諸縉紳飲春酒各行戶過堂演扮梨園作戲竟日芒神並泥牛設於縣大門內至立春時各職官拜芒神畢各執春杖打牛三次隨令衆役將牛打碎各回本衙又作小泥牛芒神送諸縉紳家謂之送春

冠禮古者男子二十而冠筮賓三加父母命醮蓋以成人之義期之誠重典也近士夫苦其煩縟此禮不行久矣

婚禮婚姻重班行論年齒不逐逐富厚家納聘上者數十金槌奩倍之非厚索而薄嫁者或壻貧不能貲財行禮僅辦衣裙簪珥成婚婦翁亦不論財若通媒納采親迎合卺一如舊儀

喪禮士夫家初喪卽受弔問四日邀客成服朝夕哭踊塋則開塋域祀後土刻誌石題神主一循古禮可謂俗之最善者矣至邀僧道諷經咒梵音鐃吹聲聞遠邇朝祖之夕梨園雜劇名曰伴坐歸窆之期什百成羣白衣素冠持旛前導名曰喪社此亦習俗之無害於義者但巨家治

喪每倩人代作棚場結爲雕樓繡閣高數丈皆以布帛雜采爲之用止一日其費不貲此則奢侈之似不可久者耳

祭禮士夫之家鮮有家廟凡遇生辰忌日清明七月望日十月朔日多於廳堂設主供果品酒饌焚楮帛以祀至祥禫等祭好禮家間亦行之士習士朴僿不務粉華其勤於自課者邀知己會文社貧窶者率開館教授生徒得束脩以贍生不然卽盡力於南畝於冬月閒暇始爲藏脩之業雖不盡杜門攻苦而亦不敢自外名教若夫蕩軼於規矩之外蓋實鮮其人焉亦可見齊士淳謹之風矣

農習人貧地瘠途衝役繁邑則積厚鮮千金之家鄉則蓋藏無數鍾之粟資身之計甚艱比鄰里俗田一井者衣不掩膝家數口者肉不知味又貧而分佃者婦子胼胝求數乘以糊口租逼則石粟不易錢金稱貸則歲入不盈償數故水旱偶逢卽啼饑號寒者比比矣司牧者加之意

焉

論曰齊之風俗欲逮古則難齊之風俗欲逮古
又甚易蓋稽其所行之禮復詢之故老齊固淳
厚勤儉者也雖邇來風氣稍漓亦一二佻達者
爲之苟去其卑污苟且而使知廉隅化其游惰
奢侈而使安常業終亦不害其爲善國矣嗚呼
王道以蕩平爲極有移易之責者能嚴以制之
寬以俟之而猶謂風俗之不躋于平康正直也
豈其然哉豈其然哉



齊河縣志卷之四

學校志



志曰學校之設尚矣雖百代不容易也古有釋
干戈而執俎豆臨均璧而考鐘鏞者豈非黌序
爲教化所由關風俗所由始人材所由備哉然
而殿庭荒蕪廊廡荆榛竟無有過而詢者嗚呼
仕斯養斯覩廟貌而不尊鞠茂草而不惕讀青
青子衿之詩可爲之長太息矣作學校志

文廟 縣治東初建無考元至元十三年知縣

高源修葺後燬于兵明洪武三年知縣王得成
建成化十五年知縣惠民重修弘治十八年知
縣趙清重脩嘉靖三十四年邑人副使尹綸重
脩

正殿 五間 順治三年五月初一日夜大雨如注

龍從鷗獸內出電火延燒遂成灰燼至順治十
三年知縣趙光普教諭宋真儒訓導李華蔚募
化巡撫耿焯捐銀二百兩督學道施閏章捐銀
三十兩義民王澤哲捐木銀二十兩重脩

東廡 七間 西廡 七間 戟門 五間 櫺星門 三間 泮

池戟門外 明知縣趙承芳建萬曆八年知縣

浦卿縣丞賈盈科重脩

啓聖祠 文廟東明嘉靖十五年建

名宦祠 啓聖祠後明正德元年知縣趙清改

文昌祠爲之

鄉賢祠 名宦祠後明萬曆十八年知縣單可

大創脩

奎樓 啓聖祠前明萬曆三十八年知縣朱有

光創脩

儒學 文廟後元至元十三年知縣高源脩葺

明洪武三年知縣王得成重脩十五年知縣惠

民重脩弘治十八年知縣趙清重脩

明倫堂 五間康熙六年訓導王業新重脩

東博文齋西約禮齋 各五間今廢

號舍 二十八間今廢 大門 三二門 一間俱訓導王業新重脩

敬一亭 三間 明倫堂 教諭宅 敬一亭後訓導王業新重脩

訓導宅二所 明倫堂左 卧碑一通 石刻 明倫堂東壁

指南碑 在明倫堂前 敬一箴碑 心箴碑 言動箴

碑 視聽箴碑 俱在敬一亭內 聖賢贊碑 在戟門內山東巡撫陳鳳

梧 射圃 儒學東今廢 撰

書籍

四書一部十八本 易經一部十二本

詩經一部十二本 書經一部十本

禮記一部十八本 春秋一部十八本

性理一部二十五本 伍倫書一部十一本

孝順事實一部一本 為善陰騭一部一本

祭器

銅爵盞一百五十二個 銅花瓶一對

銅麒麟一隻 大鐵香爐一個

小鐵香爐十五個 瓦甗三十六個

生員

廩膳生員二十名 增廣生員二十名

附學生員二百餘名

武生員三十餘名

舊屬濟巡道較試今俱歸并
提學與文生同數考取

祭祀銀 文廟原額四十兩啓聖祠原額叁兩

陸錢名宦鄉賢祠原額各二兩共銀四十七兩

陸錢除荒外實存銀十八兩零

文廟香燭銀原額二兩五錢二分除荒外實存

九錢五分零

論曰學校爲育養之地庠分上下序列東西厥

典優且重哉齊之學校規度寬平建置爽塲獨

是較轡傾圯無復絃誦詩書之盛則感愾係之

矣今特識其某也存某也廢某也存者半廢者

半俾觀之者知所興復焉夫因時脩葺有司事

也而加意振興不責之師儒而誰責哉

兵防志

志曰聖王耀德不觀兵固已然天生五材誰能去兵古帝王治不忘亂安不忘危兵防之脩不由來重與第文事武備脩之貴豫苟承平無事狎而玩之一旦有警而使韋紳之士矜棘之農執詩書擦畚插而爲折衝又何賴乎昔人云有備無患則爲綢繆桑土計者不可忽也作兵防

志

演武塲 舊在城西北隅明萬曆三年知縣孫

鯨化以地勢逼近民居騎射不便移置城西門外迤南邑人孟養性有記

演武廳 三間 退廳 三間今廢 大門 一間今廢

將臺一座 俱知縣趙承芳建

舊設守城民壯五十名

步隊團操民壯二十九名 今裁

濟南道快手五名 今裁

國朝設臨清協鎮防守兵官一員或千總或把總統

領馬兵三十名步兵五十名半歲一更輪流防禦

論曰按兵防之設其在郡城要地者各有駐兵至於一邑則惟守城民壯于驚蟄霜降日有司赴演武廳祭旗燾令各役較試騎射以示不忘武之意

國朝設立兵防邑有千戎或百總更番爲戍制更精密是以狼煙不舉綠林不興然鷹眼未化不無狗盜之徒則嚴保甲以示守望相助之義廣教化以消人心戈矛之端將兵不用而自爲正穀甲敵干猶其餘事耳

祠祀志

志曰廟祠壇墀神所棲也神妥則民安矣昔成周以宗伯掌天神人鬼地示之禮自禋祀以及貍沈鬻辜靡不畢舉乃頒祀于邦國都鄙鄉邑則祀典之重不獨今日然也惟是怠棄以祭殿疇以臨瀆莫甚矣苟按其典制各舉其職之所宜祀則奉蒸嘗習俎豆明德與黍稷俱馨神其

吐之乎作祠祀志

文廟

城隍廟 縣治西明洪武三年剏建舊在城北隅天順三年知縣史欽遷今地弘治十三年義官岳鼎募化重脩萬曆五年知縣趙承芳重脩崇禎十一年知縣祝金聲重脩

蜈蚣廟 城隍廟西

社稷壇 縣城西北一里

山川風雲雷雨壇 縣城西南二里

邑厲壇 縣城正北一里

鄉厲壇 今廢

馬神廟二 一在縣治東南隅一在城隍廟西

三義廟 縣南門內西

關帝廟 縣西關

土地祠 縣大門內西

祭祀銀社稷山川邑厲三壇原額銀各十兩蜈蚣廟原額銀一兩五錢馬神廟原額銀二兩除荒外實存銀十三兩二錢零

論曰祀者崇德報功者也文廟尚矣風雲雷雨山川社稷城隍古今建邦之所有事所謂有其舉之莫可廢也其外又有厲祭卽古歸鬼之意要皆理幽之道不可闕者他如城市鄉村男巫女覲妄言禍福同于左道甚非所以式風俗也必嚴禁痛絕勿使並進則祀典常昭庶幾可以治矣

坊楔志

志曰坊楔者所以彰往示來其古表宅之遺意乎古者國有高賢必表厥宅里者表其人也故其人傳其里亦傳使後世過其里回以想見其爲人建坊亦猶此意也薦紳先生之門楯櫺桀植經其地者莫不愾然曰此某某之故宅也某固名掇巍科也者某固行誼勲業爲海內聞人也者辟諸過西河之上景行卜夏歷東里之墟憑弔鄭僑令人低徊之而不忍去寧獨爲壯觀瞻已哉覩斯坊也豪傑之士可以聞風而興起矣作坊楔志

節愛牧民坊

在縣南

進士坊

在北門內為副使尹綸立

恩榮坊

在西門內為侍即房守士立

馳恩坊

在東門內為知州張光宇立

以上現

存城隍廟坊

在西門內大街路北

駐節坊

在南察院門首

肅察貞度坊

在東察院南

大成坊

在文廟南

福民坊

在大街

文武坊

為副使尹綸都督僉事尹秉衡立

觀光坊

為知縣畢達立

澄清坊

通政坊

為通政欒暉立

官寮坊

為詹事舍人欒繼祖立

文壁坊

為知縣趙鑑立

登雲坊

為通判曹泰立

世芳坊

為運使趙亮采

立

掇科坊

為通判楊綱立

躍龍門坊

為舉人冀德立

繩武坊

為知縣

縣冀鳴鳳立

青雲得路坊

為知州朱銳立

恩榮坊

為運使趙亮采立

步月坊

為推官孟章立

接武坊

為知縣畢登高立

經元坊

為知州駱

鳳恩榮坊

為知縣趙焱立

以上俱廢

論曰邑內坊楔僅存者有四耳按舊志所載廢

坊不下廿餘想當日規模壯麗簷牙高啄不歸

然稱大觀哉惜世遠人湮加以兵燹化為瓦礫

問疇昔之故老亦無有存者遂莫從識其遺址

矣雖其人之傳於後世不繫乎坊之存沒但恐

其址既圯其名並泯非所以彰昔賢之往蹟而

動後人之嚮往也故仍兩紀之以啓觀風者烏

可系志

衣主謝之感云

齊河縣志卷之四終

齊河縣志卷之五

驛傳志

志曰國家內有觀風問俗之使外有入告請命之章其所以轍跡能遍九州君門不隔萬里者惟驛傳是賴故自遺人委人以及野廬氏歷代設有專官以理之良有以也乃往昔之弊戚族姻婭盡人可得勘合山客琴師匪類而亦乘遞馬行牌一到需索百端譁呶萬狀驛傳殆不可支矣

齊河縣志 卷之五
國朝嚴禁肅清非監司以上不得馳驛非奉部遣
不得傳旗若夫一騎紅塵匹馬歸晚以偏累我
置郵者烏有哉司民者當知所以軫念而寬恤
之矣作驛傳志

設驛舊在縣北二十五里晏城鎮因名晏城驛
後因官長行旅多駐縣內遂遷移縣東南隅建
駐節察院一座驛丞衙一座時久廢毀驛丞奉
裁驛務歸併本縣遂改縣主簿衙爲馬厰

驛站舊編晏城驛馬貳拾陸匹工料共銀捌百
柒拾壹兩驢伍頭工料共銀玖拾伍兩車夫拾
名工食共銀壹百兩支銷銀貳百柒拾伍兩幫
貼糧簽銀叁百兩編剝銀拾捌兩陸錢館庫晏
城馬驛貳名工食共銀玖拾貳兩館夫晏城馬
驛叁名工食共銀貳拾柒兩於順治十一年奉
兵部

題明查明驛站衝僻協濟一案議設晏城驛馬貳
拾柒匹每匹草料銀叁拾陸兩藥材醫獸壹名
工食銀壹拾貳兩連閭共銀壹千壹拾陸兩捌

錢鞍屨棚廠槽鋤等項銀叁兩陸錢供應中伙廩糧館庫館夫銀叁百玖拾貳兩

昌平驛馬壹匹臨城驛馬陸匹每匹草料銀叁拾陸兩馬夫叁名每名工食銀壹拾貳兩連閏共銀貳百玖拾柒兩陸錢鞍屨棚廠槽鋤等項銀貳兩肆錢

編剩銀拾捌兩陸錢

順治十一年兵部備買各驛倒斃馬匹

題明

撥協

本縣馬壹匹草料銀叁拾陸兩扣筭閏月銀壹

兩貳錢鞍屨棚廠槽鋤等項銀捌兩肆錢

里甲夫馬舊編走遞青夫捌拾名工食連閏共

銀陸百伍拾伍兩玖錢玖分捌釐肆毫走遞白

夫捌拾名工食連閏共銀玖百捌拾肆兩走遞

馬肆拾貳匹工料連閏共銀玖百伍拾壹兩壹

錢叁分貳釐捌毫肆絲走遞驢貳拾伍頭工料

連閏共銀伍百壹拾叁兩叁錢叁分貳釐捌毫

於順治十一年奉兵部

題明查明驛站衝僻協濟一案議設走遞馬肆拾

齊河縣志 卷之五
匹草料連閏共銀壹千肆百捌拾捌兩內除晏
城驛撥協馬壹匹濰縣撥協馬叁匹草料連閏
共銀壹百肆拾捌兩捌錢外實編馬叁拾陸匹
草料連閏共銀壹千叁百叁拾玖兩貳錢
走遞馬夫貳拾名每名工食銀壹拾貳兩連閏
共銀貳百肆拾捌兩

走遞白夫壹百名每名工食銀壹拾貳兩連閏
共銀壹千貳百肆拾兩

走遞青夫叁拾名每名工食銀捌兩連閏共銀
貳百肆拾捌兩

撥馬牌子貳名每名工食銀壹拾貳兩除濰縣
撥協壹名工食連閏共銀壹拾貳兩肆錢外實
編壹名工食連閏共銀壹拾貳兩肆錢

鞍屐棚廠槽鋤等項銀肆拾兩內除晏城驛濰
縣撥協銀貳拾叁兩壹錢叁分伍釐玖毫陸絲
實編銀壹拾陸兩捌錢陸分肆釐肆絲

以上驛站里甲夫馬實徵并本縣撥補除荒銀
肆千捌百捌拾叁兩陸分肆釐肆絲又動丁地

抵補晏城驛站銀叁百伍拾肆兩壹錢叁分伍錢
釐玖毫陸絲貳項共銀伍千貳百叁拾柒兩貳

康熙十一年奉 撫院

題撥協晏城驛站糧簽銀柒百貳拾捌兩肆錢玖分陸釐伍毫在 撫院掛號 分守濟東道衙門支領

論曰山左驛傳之衝煩也莫過東西二路而齊尤甚齊當九省孔道接壤會城此去而彼來郵

亭之席日暖朝過而夕徃輪蹄之駕無休任斯土者廬宿送迎前驅伏謁日不暇給矣今幸兩路各有定制而撥協出自本邑夫馬不致缺額而工料足供飼芻當事者倘念及衝疲之苦而更爲之體恤焉則駟駱雲屯驪黃錦聚行且問國之富可數馬以對矣寧第足供驛使之用而已哉

舖舍志

志曰國家舖舍之立設有專司往來文移藉其

遞送所係顧不重與故邑有奏報不決日而達
於郡則不壅於上聞郡有文檄不決日而傳於
邑則不至於下隔壅隔既除斯上下可安坐而
理

國家厚糈食以養之者其在斯乎作舖舍志

總舖 在縣治西

倫鎮舖 縣西五十里

黃家舖 縣西北三十里

丘家舖 縣西二十五里

祁家舖 縣西三十里

善興舖 縣西二十五里

孟家舖 縣西北十五里

晏城舖 縣西北二十五里

曹章舖 縣北八十里

論曰按舊制舖舍每距十里以便公文之遞送
遲則按刻加笞所以防其稽誤也禁甚厲焉是
以各舖設司設兵相地遠近量爲增置誠重之
也齊東南地狹有舖者獨西北二路倘嚴爲查
覈而究其稽遲焉又何患國事之有留滯乎

職官志

志曰國家設官分職建長吏典司四民建師儒
典司三士兩寮備而一邑之政教兼舉矣顧職

在牧民者必殫撫循之政而後民安民安則邦
本固職在造士者必弘樂育之教而後士醇士
醇則風俗美是士民之生成胥視乎官師之措
施耳嗚呼官師之所繫固如此哉齊自金元以
來凡涖茲土者其宦蹟得失固有輿論在而姓
氏不可以弗傳也作職官志

知縣

金

劉信 由臺省知齊河縣大定八年任見宦

蹟

元

高源 直隸饒陽縣人至元丙子年任見宦

蹟

任順 人至元十五年任

張公冕 人至元十五年任

完顏謙 人至元二十七年任

史炤 人大德十一年任

張萃 人至元三年任

李師曾

人至正十一年任

明

王得成

人洪武三年任見宦蹟

薛英

人永樂二年任

趙遜

人永樂七年任

孟俱

直隸玉田縣人永樂十八年任見宦

蹟

姚欽

河南祥符縣人監生

史欽

山西平定州人天順三年任

楊能

直隸豐潤縣人監生

趙文彬

山西壽陽縣人監生

吳英

江南徐州人監生

惠民

陝西蒲城縣人監生

連祥

河南鈞州人舉人見宦蹟

許謙

湖廣江夏縣人舉人見宦蹟

秦綦

人舉人

徐鏞

陝西武功縣人舉人

武繼祖

直隸通州人舉人

趙清 山西代州人

朱光 江南臨淮縣人

李秀 直隸遷安縣人舉人

路平 直隸順德縣人舉人

王欽 江南無爲州人舉人有生祠碑記今

廢

陳積 浙江餘姚縣人舉人

王佐 直隸宛平縣人舉人

車寵 河南長葛縣人舉人

楊鵬 直隸新城縣人舉人

吳尚德 直隸懷來衛人舉人

張惟瀛 河南上蔡縣人舉人

章錦 湖廣黃梅縣人舉人

周訓 河南延津縣人監生

周晟 浙江嵯縣人監生

熊世英 湖廣通城縣人舉人

熊佑通 河南信陽州人選貢

蕭文芳 直隸霸州人歲貢

劉養晦 江南臨淮縣人歲貢

孫鯨化 直隸吳橋縣人歲貢

陳天策 山西遼州人舉人

馬允登 直隸東光縣人進士隆慶六年任見

宦蹟

張汝棟 直隸保定縣人

趙承芳 河南臨漳縣人舉人萬曆三年任

浦卿 錦衣衛籍江南丹徒縣人進士

李自謙 直隸棗強縣人舉人萬曆十一年任

單可大 河南汝陽縣人舉人萬曆十六年任

王泳 河南真陽縣人選貢萬曆十九年任

韓夔 直隸雄縣人舉人萬曆二十一年任

王汝濂 山西沁水縣人舉人萬曆二十一年

任

郭衡 山西文水縣人舉人萬曆三十四年

任

張垣 直隸長垣縣人舉人萬曆二十七年

任

閔三槐

直隸高陽縣人舉人萬曆三十一年

任

惠棟

河南蘭陽縣人舉人萬曆三十三年

任

霍惟準

山西沁水縣人舉人萬曆三十五年

任見宦蹟

朱有光

浙江餘姚縣人舉人萬曆三十七年

任

劉世卿

直隸永年縣人選貢萬曆三十九年

任

尹九卿

直隸交河縣人舉人萬曆四十二年

任

許麗

河南固始縣人舉人萬曆四十六年

任見宦蹟有祠在東關

張應泰

山西陽曲縣人舉人萬曆四十八年

任

陳一封

福建莆田縣人選貢天啓二年任

王體元

陝西膚施縣人選貢天啓四年任

于一成 直隸安肅縣人 選貢天啓五年任

姚延慶 直隸倉州人 舉人天啓七年任

鄧希夔 直隸大成縣人 選貢崇禎二年任

楊啓運 直隸新城縣人 選貢崇禎五年任

宋祖法 河南新蔡縣人 進士崇禎七年任 有

去思碑記在大清橋西水滄沒

祝金聲 直隸唐山縣人 舉人崇禎九年任

周思皇 河南舞陽縣人 生員保舉崇禎十二

年任

朱朝臙 河南祥符縣人 選貢崇禎十三年任

許一 位 湖廣人 崇禎十四年任

張安豫 江南華亭縣人 廩監崇禎十四年任

見宦蹟

朱誼泯 陝西臨潼縣人 選貢崇禎十六年任

國朝

馮祥聘 直隸山海衛人 生員特用 順治元年

任見宦蹟 有生祠在北關三官廟西

胡有成 遼東人 順治六年任 有去思碑在北

關三官廟前

王用體 山西高平縣人廕生順治十年任見

宦蹟有去思碑在縣治前

趙光普 河南封丘縣人恩貢順治十一年任

孫之選 直隸高陽縣人恩貢順治十四年任

羅聯飛 福建南平縣人副榜貢順治十六年

任

張永庚 遼東人貢士康熙元年任見宦蹟

劉思忠 直隸盧龍縣人吏員康熙四年任

杜成棟 湖廣麻城縣人吏員康熙六年任

藍奮興 福建侯官縣人拔貢康熙八年任

縣丞

元

文殊奴

人至元十五年任見宦蹟

哈利

人至元二十七年任

明

陳谷表

人洪武十八年任

王馴

直隸涿州人監生

向明

侯相 河南磁州人監生

楊淳 江南定遠縣人監生成化年任

牛文增 山西清源縣人監生

陳豹 江西高安縣人吏員

馬龍 浙江山陰縣人吏員

何潮 陝西人監生

陳瑀 直隸涿州人監生

梁永禎 陝西耀州人吏員

李邦仁 陝西三原縣人吏員

王崇憲 直隸井陘縣人歲貢嘉靖四十二年任

趙進修 直隸臨城縣人歲貢

張明善 湖廣澧縣人歲貢

何如玉 江西廬陵縣人監生

黃文明 江南懷寧縣人監生

胡奉誥 湖廣監利縣人監生

費盈科 陝西富平縣人吏員萬曆七年任

姚仁

萬全右衛人恩貢萬曆十年任

孫時和

萬曆年任

陳堯賓

直隸安州人

萬曆十九年任

李文炳

河南歸德府人

萬曆二十年任

何應觀

萬曆二十二年任

成敦穆

杜諤

浙江嘉興府人

程敷典

江南徽州府人

陳嘉會

直隸三河縣人

周時亨

潘琮

直隸新城縣人

壽大化

浙江諸暨縣人

陳三重

張景元

孫齊名

浙江人

周應舉

湖廣人

劉權

直隸灤州人歲貢

方天球

福建龍溪縣人監生

暴勤學 山西長治縣人

費彙典 江南吳縣人

國朝

何勝正

范希湯 直隸人順治三年任

陳之屏 直隸大興籍浙江山陰縣人吏員順

治十二年任

朱陶樺 浙江山陰縣人貢生順治十八年任

劉三顧 直隸青豐縣人選貢康熙四年任

王 璚 河南寧陵縣人歲貢康熙七年任

吳世貢 浙江烏程縣人恩貢康熙九年任

主簿

金

楊潤之 直隸香河縣人舉人大定年任見宦蹟

元

張士大

常珪

橫海人見宦蹟

李吉

王利

明

劉英 河南汝陽縣人吏員

詹鳳 河南光山縣人監生

陳晉 直隸唐縣人監生

陳思義

路垣

張淵 萬全衛人監生

王維德

鹿中粹 河南人監生

陳宗

萬子新 江南盩厔縣人例貢

丘執中

邢良貴 直隸大城縣人吏員

王廷璽 直隸欒州人歲貢

吳重 浙江桐廬縣人監生

劉登庸 山西解州人監生

王汝貴 山西興縣人監生

金履初 江南崑山縣人監生

曹翊甫

張擢 直隸吳橋縣人監生

艾子正 江西吉水縣人監生

汪大沈 江南黟縣人監生

周文學 陝西潼關人恩貢

李自馨 直隸遷安縣人吏員

侯瓊 直隸趙州人監生

李芳

盧登

田紹恩 直隸深州人恩貢

秦講 浙江會稽縣人吏員

鄧思載 江南安福縣人監生

鄧士名 直隸河間縣人監生

程有祚

周道行

劉思學 湖廣臨湘縣人

沈應弼

錢應久 江南霍山縣人吏員

楊子和 江西清江縣人

閔國瑞

耿士泰 直隸寧晉縣人

劉三義 陝西寶雞縣人吏員

李國士 山西長治縣人吏員

路瞻 直隸邢臺縣人

國朝

周士廬 浙江紹興府人 順治三年裁缺

典史

明

徐賢 江南徐州人

陳守邦 河南鄭州人

梁縝

劉鉄 直隸涑水縣人

賀毅

汪弘源 江南歙縣人

戴天民 江南泰興縣人

羅蒞 直隸通州人

王正秀 湖廣孝感縣人

黃文繡 江南溧陽縣人

高者 浙江臨安縣人

孫惟藩 河南洛陽縣人

段鏞 山東汶上縣人

倪寬

朱朝欽 浙江永康縣人

庾永守 江南當塗縣人

楊育春 江西東鄉縣人

胡重光 四川內江縣人

梅思議 江南六安州人

熊鼎元 江西豐城縣人

李應期 浙江龍泉縣人

周一元 浙江山陰縣人

南文濟

黃汝棟 廣西全州人

何致勲 福建人

繆敬 浙江人

祝成鄰 江西人

馮海 山西平陽縣人

汪聖學 湖廣蘄水縣人

劉源清 北直新城縣人

韓三錫 陝西富平縣人

張璧 陝西永壽縣人

張珞 陝西西安府人

蔡思融 北直人

國朝

閔光裕 陝西延安府人

陳仕俊 浙江人

朱可成 浙江人

倪梓 浙江錢塘縣人

薛承欽 直隸大興縣人

許國傑 廣東海陽縣人

驛丞

驛丞

職官

三

明

胡廷相 直隸安州人

姬時 河南人

魏銓

高強 直隸安肅縣人

耿經

盧繼科 山西馬邑縣人

馬承學

白阿 直隸河間縣人

張商霖 山東蓬萊縣人

魏繼 直隸真定縣人

余應賓

董文賢 遼東廣寧人

劉仲英

耿經

劉源溥

楊廷稠

劉德隆

李朝祥

鄭應元 江南江寧府人

國朝

鄭三寶 山西大同縣人

姚誠明 直隸任丘縣人 順治十六年裁缺

教諭

元

孔克靜 聖齋

楊珪

蔡祐

明

呂和 江南溧陽縣人見宦蹟

葉燦 江西進賢縣人舉人見宦蹟

姚昂 江南華亭縣人舉人

朱軒 江南徐州人舉人

李文淵 湖廣華容縣人監生

路漢 河南歸德府人舉人

楊瑄 山西安邑縣人舉人見宦蹟

方欽 江南巢縣人舉人

張綸 直隸高邑縣人舉人

李廷森 河南汝寧府人歲貢

劉萬 山西潞城縣人監生

顧望海 福建莆田縣人舉人

張松 河南鹿邑縣人歲貢

秦志高 江西豐城縣人歲貢

詹白 江南六安州人歲貢

陳朝綱 河南寧陵縣人歲貢

康偉 陝西武功縣人歲貢

楊澡 江南江都縣人歲貢

熊汝諧 湖廣崇陽縣人舉人

顏弘乾 闕里四氏人選貢

顧述 江南無錫縣人舉人

李英材 福建晉江縣人舉人

徐應斗

麥鎮鰲 廣東三水縣人舉人

王尚賓 直隸遷安縣人歲貢

賈汝芝

胡從道 廣西全州人舉人

楊東 山西永寧州人歲貢

劉養正 直隸大城縣人歲貢

楊孔時 山東蒙陰縣人歲貢

張脩德 山東滕縣人歲貢

王宗尹

張其實 山西太原縣人舉人在齊河任中登

進士

高勝金 直隸邢臺縣人

黃棟材 雲南人舉人

蘇爲梯 山東登州府人歲貢

蘇來聘 山東寧海州人歲貢

湯執中 遼東人歲貢

馬茂才 河南懷慶府人歲貢

郭金城 直隸深州人

國朝

尹牧民 山東濟寧州人歲貢

趙昌嗣 山東膠州人歲貢

宋真儒 山東蒙陰縣人歲貢

范中奇 山東范縣人歲貢 康熙三年裁缺

訓導

明

翟紹 江南襄城縣人舉人

蕭塾 江南常熟縣人監生

黎光啓 四川成都縣人監生

夏塘 河南鄆陵縣人舉人見宦蹟

王崇本 湖廣彝陵州人

王錦 直隸寧津縣人

陶端 江南太平縣人

韓憲 直隸玉田縣人

鄭安 直隸靜海縣人

胡煌 江西進賢縣人

傅良弼 直隸慶都縣人

石松 直隸趙州人

孫錦 直隸博野縣人

黃閣 江南六安州人

李元 直隸沙河縣人

劉憲 直隸晉州人

王金 江南無爲州人

尹欽德 直隸靈壽縣人監生

牛儒 山西清源縣人監生

周禮 浙江桐廬縣人歲貢

李應奎 河南陳留縣人歲貢

呂侗 直隸天津衛人歲貢

許立 直隸通州人歲貢

翟沂 直隸晉州人歲貢

俞志定 直隸永平縣人歲貢

李濟世 陝西耀州人歲貢

徐維城 湖廣房縣人歲貢

陶性 山東登州衛人選貢萬曆年任見宦

蹟

姜棐 山東萊陽縣人歲貢

熊海 山東曲阜縣人選貢

霍棟 山東夏津縣人歲貢

高萬金 山東金鄉縣人歲貢

王慈 山東魚臺縣人歲貢

張勳 直隸慶雲縣人歲貢

杜學芬 山東黃縣人歲貢

孫如樹 山東寧海州人歲貢

任德輝 山東濟寧州人歲貢

劉瀾 山東鄒城縣人歲貢

于一貫 山東卽墨縣人歲貢

談治淳 江南句容縣人選貢

戴國聘 山西徐溝縣人恩貢

劉永泰

張茂儒

周三善 山東鄒城縣人歲貢

于魁士 山東文登縣人

李茂樞

張愈 直隸天津衛人

韓學詩 山西絳州人

胡同倫 山東青州府人

王之蕃 直隸安州人

李懋枚 山西隰州人

李如桂

李東朝 遼東人

劉恂如 山東武城縣人

孫景新 山東莘縣人

國朝

田傑然 河南永寧縣人歲貢

翟楫 山東聊城縣人歲貢

宋國鍵 山東東平州人歲貢

李華蔚 山東寧陽縣人歲貢

王業新 山東夏津縣人歲貢

陳嘉蘊 山東東平州人歲貢

王國禎 山東武城縣人歲貢

論曰邑之有長吏也膺

天子百里之寄一方安危視其措注猾吏豪強斂手
而聽約束催科撫字去其莠而植其良爲保障

母爲繭絲厥任顧不重與今士君子筮仕令長
功業伊始凜冰蘖之撻發新劔之才固其分之
所當爲者丞貳以下雖非顯秩誠使愷悌存心
亦能利澤及物未可以職之崇卑論矣至於廣
文一官原不煩以簿書則訓迪多士使就繩尺
而循規矩非司鐸責哉居乃職者琴堂膏雨絳
帳春風則士民之受惠匪渺矣

宦蹟志

志曰宦蹟何爲志蓋志夫宦之有蹟可見者也
其間有政稱三異者書之民歌五袴者書之所
居無赫赫名而人多去後思者書之且勤課多
士有功於學校者又書之非此蹟也則不得書
齊邑諸宦其官師茲土者善政善教表表在人
士民尸而祝之亦不下庚桑畏壘矣作宦蹟志

金

劉信大定戊子由臺省出知縣事勤以蒞
事信以使民訪諸耆舊脩舉廢墜首築城垣
數旬告成其他政務悉有矩度有進士董相

記

楊潤之 直隸香河人大定壬寅以明律令中
乙科壬子任邑主簿長於吏治事雖繁難庭
無滯訟邑無冤聲民懷其德立石誦之

元

高源 直隸饒陽縣人至元間知縣事廉靜
寡欲蒞事明暢精於政治民懷其德列石以
紀政蹟

常珪 橫海人至元間任邑主簿剛毅明敏
銳於有爲脩舉廢墜能聲上達一時名公巨
卿多作詩文頌之

文殊奴 至元間任邑縣丞廉靜寬平民心悅
服捐俸脩葺聖廟廊序尤有功於學校亦丞
之不多見者也

明

王得成 洪武三年知縣事時值草昧公首脩
城池以及學校衙署次第營建煥然一新尤
廉靜有守不爲矯激之行迄今民傳誦之

孟 傑 直隸玉田縣人歲貢永樂間知縣事
持已儉約平易近民民有犯者多勸諭之不
忍鞭笞暇則徧履境內詢疾苦課農桑視民
如子而民亦愛如父母任滿撫按交章薦留
加同知銜仍管縣事蒞任三十三年人稱循
史第一後卒於官因家焉入名宦其子孫仕
宦蟬聯至曾孫養性歷官巡撫河南副都御
史

連 祥 河南鈞州人舉人知縣事剛正不阿

大有賢聲馭下嚴而有法吏民畏服卒於官
聞者莫不哀悼焉

許 謙 湖廣江夏縣人舉人知縣事純慤慈
祥誠心愛物聽訟能盡民情催科不用鞭笞
古之良吏無以加任滿南歸囊無餘物冰蘖
之操至今彌之祀名宦

呂 和 江南溧陽縣人宣德間任教諭慨然
以興起文學爲己任督課有法講授不倦又
躬行道義爲諸生倡一時士多絃誦學政稱

振刷焉陞興濟知縣繼陞兵部主事

葉燦 江南進賢縣人舉人天順間任教諭賦性剛方課士勤慎注意文章訓諸生不憚耳提面命一時領鄉薦數人皆經其指授者蒞官九年陞松江教授後以庶吉士歸

夏塘 河南鄆陵縣人舉人任訓導爲人端方不規小利一言一動皆可爲多士準繩前後樹師範者必推公爲巨擘云卒于官祀名宦

楊瑄 山西安邑縣人舉人任教諭博學能支持身廉介日與諸生講學習禮耻談節餽士有賢者優禮之蕩軼於規矩者督責不少恕此師範之可稱者陞新安知縣

馬允登 直隸東光縣人進士隆慶間知縣事年甫弱冠寬平不猛精練有爲未幾以憂去後歷任湖廣叅政

霍惟準 山西沁水縣人舉人萬曆間知縣事蒞政明敏庭斷得情兩造之下各無冤抑民

咸以神君稱焉

周淳 湖廣蒲圻縣人舉人萬曆間授九江府推官降塩運司經歷委署縣篆識本精明政復慈愛歲值饑饉能設法賑濟民賴以生未幾四院交薦陞恩縣知縣民立祠祀之邑人教諭劉傳世題其祠聯云一腔介氣冰壺冷五月恩波濟水長人誦以爲寔錄公係署事因不載職官內

祠在城北關三官廟東

許麗 河南固始縣人舉人贈禮部尚書忠

節許公達之孫萬曆間知縣事寬平有體明恕不苛未滿任調繁鄒平民挽留不得爲立

祠祀之

祠在城東關

陶性 登州衛人歲貢萬曆間任訓導學博才瞻長於著作因舊無縣志慨然纂脩成帙一邑文獻賴以永傳不朽

張安豫 江南華亭縣人廩監崇禎間知縣事饑饉之後萑苻多警民無定業公甫任卽給牛種蠲荒稅募民兵以緝盜勦撫並行境內

賴以乂安又脩理城垣甃砌以磚不勞而功
集政古所謂循良吏而經濟有爲者也尋以
功陞密雲監軍同知民至今思之

馮祥聘 字賡庭直隸山海衛人以生員特用
能詩賦性沉練深謹當改革之初土寇未撫
戎馬倥偬公緩帶輕裘應猝以暇順治三年
賊數萬薄城下公嚴飭守禦寂靜更籌示以
莫測乃密遣卒馳會城請援時 禁旅鎮濟
南蓐食嚼枚控弦而至比及賊營兵如從天

而下賊尚未知也是日以 禁旅千餘斬

數萬由是全城賴以保活而賊不敢萌犯齊
意齊民之得有今日者公存之也後陸湖廣

長沙府同知民立祠祀之

祠在北關
三官廟西

王用體 字苾中山西高平縣人廕生大理寺

卿邦柱之子以父廕授邑令狀貌魁偉莊嚴
厚重以禮飭士民不容少越時值黃河決金
龍口邑渰沒殆盡西成顆粒無獲秋稅檄迫
公曰民室懸罄敲髓安忍乃自括囊數百金

代完此尤公德之及人最深者惜任未年餘

以丁艱去民懷其德立去思碑

在縣治前

張永庚 字斗樞遼東人貢士湖廣總督長庚弟也康熙元年授邑令風節矯然不避權要出令無反判牘無留於正賦外除民一切雜役上有文移卽刻爲給辦坐催守提之勞無煩焉尤重恤驛傳不以絲毫累民凡有大差悉自爲供應一清需索折乾之弊由是驛困得蘓從無省費如當日者以調任去補禹城縣又調任補廣西思恩縣又補江南虹縣今陸福建福州府同知

論曰稽古循良必推卓魯秉鐸必稱孫胡彼一
邑一學耳乃天下後世並仰之如景星卿雲何
哉蓋由其政教大異也齊自近代以來縣尹孟
公以下余每見父老道其遺愛者津津不置農
者曰聞昔嘗勸課我緩我租商賈者曰嚮者無
擾於吾市有談其平反者曰真慈母也猶有惻
惻不忍之色焉迄今途謔巷祝不啻甘棠之誦
召公矣司教葉公諸宦循循善誘亦有功於斯
士甚厚嗚呼此其吏治師範比于卓魯孫胡不

齊河縣志卷之五
相先後輝映也哉

國朝設官三十年間政教淪洽繼其芳躅者亦比比
矣但春秋責備寧失之嚴千載公評曷敢輕假
今第取其孚輿論合人心者列焉庶一字之褒
不貽繆譽之罪也

齊河縣志卷之五終



萬曆九年知縣浦卿縣丞賈盈科重脩添房十間

國朝因之孤貧九十名口每年口糧布花銀二百六十七兩五錢

預備倉 在城隍廟東明洪武年置屢經重脩今廢

東廩二座 十二間 西廩二座 十二間

北廩 九間 南廩 八間 中公署 三間

漏澤園 縣北一里明成化十七年置

義塚二 一在縣西三里邑人都御史孟養性置

一在縣北一里邑人都督尹秉衡置

論曰聖王之治天下一民饑則曰誰饑之我
饑之也一民寒則必曰誰寒之我寒之也其慮
民也深故其恤民也厚齊民家無素封不善生
殖一遇水旱饑饉日之所賴豫備有倉養濟有
院而且蠲田租發倉廩逮下之澤不其優以渥
與第善利民者貴綢繆於未雨苟三時不害而
民和年豐又何暑雨祁寒之足慮耶

災祥志

志曰從來災祥不同均爲天心之仁愛則災祥之並著也宜也然春秋書災異而不書祥瑞豈祥瑞不足書與亦以書災異惧夫人之或忽以怠也不書祥瑞惧夫人之或恃以驕也齊之災祥不多見苟因災而惧可以轉祥因祥而恃未必非災顧人之自處何如耳作災祥志

宋熙寧河決澶州曹林由濟河故道經長清齊河入海

金大安二年四月旱六月霪雨大饑斗米千錢

興定五年正月慶雲見

元中統三年九月大饑免租稅

至元二十二年秋大水

泰定三年夏四月大饑免租稅

至正六年大饑地震七日乃止

至正七年地震有聲如雷天雨白毛

至正二十六年八月大清河溢居民漂溺殆盡

明洪武六年秋八月河水暴漲自齊河潰商河武

定境南巨浪七十餘里

正統十三年河決沙灣由大清河入海

成化七年大稔斗米錢七文

弘治二年河決金龍口衝張秋 五年河復決

金龍口衝張秋俱由大清河入海

正德六年流寇劉六劉七攻齊河破之

正德七年飛蝗蔽天

正德八年蝗秋蝻生

嘉靖五年鴉巢白鷁邑人朱銳有詩

嘉靖四十二年大雨水滄沒禾稼

萬曆六年自五月不雨至于秋七月

萬曆八年三月甘露零于學宮

萬曆九年三月甘露零于學宮秋大稔

萬曆四十三年夏大旱饑人相食遣御史過庭

訓賑之

萬曆四十六年大稔斗麥三十文

崇禎十一年六月蝗

崇禎十二年蝗旱瘟疫大作人死無算

崇禎十三年蝗旱綿亘大饑人相食地土荒蕪

村落丘墟斗米銀壹兩餘。

國朝

順治三年五月初一日雷火焚先師殿

順治七年金龍口黃河決大清河水溢自西南長清境一帶東北流平地汪洋一望無際由禹城臨邑商河等縣東北入海一時廬舍田禾漂沒殆盡且運河船隻多至灤口載塩由齊河城北關經八里庄劉洪等窪西去晝夜揚帆而行遇風則洪波巨浪無異江湖如是

凡五年

康熙三年四月二十三日隕霜殺麥時麥將成霜初過猶芄芄然及獲有芒無粒間有早獲者苗重生再秀猶稍有所獲又一老人於降霜日早用繩於麥上拂過使霜勿留于穗後竟無患

康熙四年大旱年饑撫院周諱有德籲請奉旨欽差滿洲大人至縣發臨清倉米麥一千五百餘石賑濟饑民四千餘名仍全蠲免本年租稅

已完者准令流抵次年錢糧萬民均沾實惠

康熙七年六月十七日地震房屋傾毀

康熙九年大旱民饑撫院袁諱懋功發倉谷二百三十四石五斗知縣藍奮興捐谷一百五十石賑濟

康熙十年大旱民饑撫院袁諱懋功發臨清倉米二百九十石臨邑倉谷四百十三石賑濟論曰齊之災祥兼紀其兼紀也存實也故觀災則懼懼則悔悟脩省所以弭天變者以之觀祥

則慕慕則懋脩實政所以永天眷者以之嘗稽洪範以五事脩否而休徵咎徵各以類應天人感應之際甚可畏矣司土者尚其重念于斯哉選舉志

志曰周禮大司徒以鄉三物教萬民而賓興之鄉大夫于三年大比獻賢能之書于王王拜受之登于天府一時得人彬彬稱盛今

國家春秋二闡猶此意也故海內人文蔚起凡公卿守牧胥由此出焉乃其間對

大庭之策則謂制科聽鹿鳴之歌則謂鄉薦此固
蜚聲藥榜當世稱榮者矣而科目所未及收猶
有明經則食餼有年循序彙征者貢值 國慶
典不次拔尤者又貢麗籍成均升名宗伯悉績
學邃養士也號曰正途非皆以文學顯哉至于
徵辟以招賢才援例以廣仕進武闈以選韜鈴
所謂選舉盡此矣作選舉志

甲第

元

穆彥和 任宣文閣司鑰

郝元善 任鉛山州同知

解天章

明

尚 肅 洪武甲戌進士任直隸文安縣 縣

張 頤 洪武壬戌進士任廣東道御史

趙亮采 成化甲辰進士歷任長蘆運使 見鄉賢志

趙 焱 運使亮采之子正德丁丑進士任河

南葉縣知縣

尹綸 嘉靖戊戌進士歷任山西按察司兵
備副使見鄉賢志

孟養性 邑侯孟公僕曾孫叙州檢校宗儒之
子嘉靖戊戌進士累官河南巡撫副
都御史爲人剛方嚴毅儀度整肅與
人則坦衷和氣藹若春溫筮仕德清
內擢鳩曹臬憲河東藩屏隴右所至
敷歷有聲口碑載道及退歸林泉潔
然介守竿牘不通多村人不入城市

張潛 鄉黨中雖至貧賤者偶遇必呼而相
揖與語表表令範至今奉爲楷模云
知事居仁之孫嘉靖戊戌進士任中
書舍人

趙維魚 選貢瑞卿之子萬曆甲戌進士授河
南儀封知縣

房守士 萬曆丁丑進士初授戶部主事累官
大同巡撫兵部右侍郎兼都察院右
僉都御史贈右都御史加贈兵部尚

書見鄉賢志

王宮臻 崇禎戊辰進士歷任嘉興府知府陞
陝西西寧道按察司副使爲人存心
祥和砥躬貞潔初授江南崇明令值
歲饑力請免賦捐俸倡賑民賴全活
者億萬計去後百姓立碑鄉城建二
祠祀之繼陞戶曹丙子陞太原守旋
以憂歸己卯補嘉禾郡時饑疫洊疊
公設法平糶煮粥哺饑兼署朔篆竭
蹙道途煩苦艱辛兩地各頌神明屬
邑紳士以至庶人皆有詩歌實錄勒
石以垂永久癸未陞西寧道以病告
歸里環堵茅屋藿食布袍凡里中黃
童白叟悉以和藹款誠相待見者幾
不知爲憲副公也至今齊邑人靡不
尊稱之所著有文豹一斑女四書簡
明等韻海遊草詩集諸書

郝 綱 舉人焜之弟崇禎丁丑進士初授直

隸肥鄉縣知縣調繁永年歷任兵科
給事中累官浙江布政司叅議告病
休致居官居鄉恪守祖父家訓甘心
淡薄

國朝

順治

趙胤振 丙戌進士初授直隸阜城知縣調湖
廣衡山知縣見鄉賢志

王國禎 字鼎九壬辰進士任江南鎮江府推
官爲人渾厚持已和平遇物少孤苦
勵志學脩事母盡色養之孝官未久
尋卒子皆成立有德人咸以爲忠厚
之報

鄉薦

元

穆彥和 見進士志

郝元善 見進士志

戚相公 歷任丞相

解天章 見進士志

孫幹臣 歷任翰林學士

明

尚 肅 洪武 癸酉舉人 見進士志

張亨 己卯舉人任元城縣訓導

楊暨 長史士儀之子丙子舉人歷任晉府

長史

張順 壬午舉人見進士志

趙睿 永樂 甲午舉人任直隸永平府推官

苑瑄 甲午舉人任直隸遷安縣知縣

樂暉 甲午舉人歷任通政使見鄉賢志

鑒福 甲午舉人任直隸撫寧縣教諭

劉俊 庚子舉人任河南魯山縣教諭

王讓 庚子舉人任山西太原府訓導

宋玘 癸卯舉人任湖廣武昌府知事

楊宣 癸卯舉人任直隸廣平府訓導

張志 宣德 己酉舉人任屯留縣訓導

趙瀛 乙卯舉人任直隸清河縣訓導

袁璟 正統 甲子舉人任泰寧縣知縣

張琰 景泰 庚午舉人任山西祁縣教諭

畢達 庚子舉人任陝西寶雞縣知縣

解文 庚子舉人任福建閩清縣知縣

宋升 丙子舉人任河南閔鄉縣訓導

趙鑑 天順壬午舉人任安陽縣知縣

曹泰 成化乙酉舉人任嚴州府通判

趙亮采 辛卯舉人見進士志

楊綱 辛卯舉人任陝西延安府通判

冀德 庚子舉人

朱銳 知縣玉之子州判楫之孫癸卯舉人

任山西代州知州

冀鳴鳳 舉人德之子癸卯舉人任山西壽陽

縣知縣

孟章 弘治壬子舉人任永平府推官

畢登高 壬子舉人任河南鄆城縣知縣

駱鳳 戊子舉人經元歷任直隸涿州知州

趙燮 正德丁卯舉人運使亮采之子任

直隸曲陽縣知縣

趙焱 庚子舉人見進士志

尹綸 嘉靖辛卯舉人見進士志

孟養性 甲午舉人見進士志

齊河縣志 卷之六
張潛 丁酉舉人見進士志

趙維魚 戊午舉人亞元見進士志

張光宇 辛酉舉人任河南延津縣知縣直隸

安州知州見鄉賢志

王炳 隆慶 丁卯舉人任臨潼縣知縣

徐東漸 庚午舉人任諸城縣教諭項城知縣

畢綬 舉人登高之孫教諭廷璋之子庚午

舉人任直隸深澤縣知縣

房守士 癸酉北畿亞魁見進士志

孫慶桂 教諭弘道之子主簿茂之曾孫巳卯

舉人任河南林縣知縣

王魯 選貢文霓之孫巳卯舉人

張廷謨 萬曆 乙卯舉人見鄉賢志

王宮臻 乙卯舉人見進士志

郝綱 天啓 丁卯舉人見進士志

王瑞 崇禎 庚午舉人字介公立行端方

賦性倜儻初仕霸州知州陞戶部員

外郎差蕪湖權稅裕國通商各得其

便去任商民各立祠祀之且輕財好施有其事涉詿誤不惜千金援之某賴以保全家室至惠姻戚賜族黨雖所費不貲亦終不責償歷任江西南安府知府卒於官

陳光國 癸酉舉人

于超 丙子舉人

郝焜 泰議綱之兄 己卯舉人 見鄉賢志

國朝

順治

趙胤振 乙酉舉人 見進士志

王國禎 丙戌舉人 見進士志

康熙

王誥 丙午舉人 亞魁

貢士

明

梁載 洪武 歲貢任河南衛輝府推官

李恕 歲貢任直隸涿州判官

趙胤 歲貢任直隸祁州同知

朱楫 歲貢任江南宿州判官

顏亮 永樂 歲貢任山西忻州判官

鄭吉 歲貢任兵部車駕司郎中

趙達 歲貢任河南上蔡縣知縣

崔能 歲貢任神武後衛經歷

張景 歲貢任河南孟津縣知縣

白玉 歲貢任直隸懷柔縣主簿

王鐸 歲貢任直隸通州判官

魏志 歲貢任陝西高陵縣知縣

郭毅 宣德 歲貢任陝西汧陽縣知縣

卽節 歲貢任留守衛後所吏目

王珩 歲貢任山西壺關縣縣丞

申寧 歲貢任光祿寺署丞

楊瑾 歲貢任山西臨縣縣丞

葛亮 歲貢任湖廣桂陽州吏目

劉繼 歲貢任光祿寺署正

趙鳳 歲貢任直隸玉田縣縣丞

高遠 歲貢任直隸欒州吏目

常安 歲貢任陝西應理州大使

張种 正統 歲貢任光祿寺監事

王履 歲貢任直隸永平府檢校

楊鶴 歲貢任山西猗氏縣縣丞

翟林 歲貢任河南宜陽縣知縣

張冕 歲貢任河南林縣縣丞

張軫 歲貢任江西上饒縣主簿

朱玉 歲貢州判楫之子任曲陽縣知縣

張鳳 歲貢任直隸藁城縣知縣

楊瓚 歲貢任陝西靈臺縣縣丞

史輝 歲貢任湖廣永州府檢校

張傑 歲貢任浙江衢州府知事

賀毓 歲貢任周府典寶正

袁鉞 歲貢任江南滁州吏目

張泰 歲貢任直隸豐潤縣主簿

楊銘 歲貢任直隸東安縣知縣

孫茂 歲貢任直隸高邑縣主簿

趙壽 天順 恩貢任山西臨汾縣縣丞

段錦 歲貢任直隸獲鹿縣主簿

高崧 歲貢任直隸蠡縣主簿

王嘯 拔貢任江西廬州府照磨

孟瑛 成化 恩貢任陝西西安府通判

梁誠 歲貢任河南孟津縣知縣

趙釭 歲貢任鴻臚寺序班

張昂 歲貢任浙江杭州府知事

鄭洪 歲貢

房寶 歲貢

劉愷 歲貢任江南銅陵縣主簿

楊璉 歲貢任直隸藁城縣訓導

劉禎

張斐 歲貢任河南修武縣訓導

王縉 歲貢任河南孟縣訓導

毛竒 弘治 歲貢任山西潞州訓導

張鶴 恩貢任四川慶符縣知縣

房欽 恩貢任四川保寧府推官

王佐 歲貢任江西南康府經歷

董賢 拔貢任陝西布政司理問

李柰 歲貢

喬森 歲貢任直隸大名縣主簿

席儒 歲貢任四川賓興縣主簿

董紳 歲貢任河南修武縣主簿

韓賢 歲貢任山西夏縣縣丞

孫翺 拔貢任直隸廣平縣知縣

房應奎 歲貢任直隸永平縣縣丞

趙孔清 正德 歲貢知縣 鑑子任易州州判

林蕙 歲貢任山西沁源縣訓導

張居仁 歲貢任浙江衢州府知事

郭昂 歲貢歷任直隸安州學正

袁鼎 歲貢知縣 璟之子任武平衛經歷

冀翔鳳 歲貢舉人 德之子歷任高陵縣教諭

劉致中 歲貢

李曜 歲貢任河南閩鄉縣縣丞

王楫 嘉靖 歲貢訓導 縉之子歷任直隸

南宮縣知縣

王廷臣 歲貢

楊友會 歲貢任萬全右衛教授

曹江 歲貢

孟宗儒 歲貢任四川叙州府檢校見贈廕

史直筆 歲貢歷任河南南陽府教授

趙孔濟 歲貢知縣鑑之子

劉縉 歲貢任江南崑山縣縣丞

王文霓 歲貢

袁九成 歲貢經歷鼎之子任休寧縣主簿

趙瑞卿 選貢

姜文輔 歲貢歷任陝西靈州武學正

張瑞 歲貢

孫臯 歲貢歷任陝西乾州學正

李時節 歲貢

劉應龍 歲貢

王袞 歲貢歷任山西介休縣教諭

曹魯 歲貢通判秦之孫歷任玉田縣教諭

王粹 歲貢任山西祁門縣主簿

畢廷璋 歲貢歷任山西王府教授

趙暹 歲貢任直隸晉州訓導

孫田 歲貢學正臯之子

孫弘道 歲貢主簿茂之孫歷任文康縣教諭

畢紱 歲貢訓導廷璋之子任襄城縣訓導

孫鯨 歲貢知縣鶴之孫任江都縣教諭

岳曇 歲貢任河南中牟縣訓導

劉泊東 歲貢任湖廣興國州訓導

趙九疇 歲貢任直隸南皮縣訓導

姜士範 歲貢任寧陽縣訓導

張問行 歲貢任平陰縣訓導

李東齊 隆慶 歲貢任鰲山衛教授

房守士 拔貢見進士志

王于蕃 歲貢歷任靖海衛教授

鄭存義 歲貢歷任膠州學正

王遜志 萬曆 歲貢任直隸東安縣訓導

楊東義 歲貢任冠縣訓導

劉慎獨 歲貢任直隸益山縣知縣

趙維熊 歲貢選貢瑞卿之子任兗州府教授

姜一尚 歲貢任河南內鄉縣縣丞

姜一鵬 歲貢任夏邑縣訓導

張天受 歲貢任朝城縣訓導

曹全 歲貢任遼東蓋州衛教授

凌盡善 歲貢任直隸南宮縣訓導

石廩 歲貢任范縣教諭

王好古 歲貢任江南盩厔縣教諭

姜一鵠 歲貢任山西廣靈縣知縣

朱應運 歲貢歷任江南廬州府教授

王更化 歲貢歷任莘縣教諭

孫慶斗 歲貢任陽穀縣訓導

張鵬遠 歲貢

劉鍾坤 歲貢任昌樂縣教諭

楊質美 歲貢

張弘德 恩貢任山西馬邑縣知縣

王之都 歲貢任觀城縣訓導

劉傳世 歲貢任恩縣教諭

宗 陞 泰昌 恩貢任河南主簿

焦天毓 天啓 拔貢任四川主簿

張鳴臯 歲貢任臨淄縣訓導

王利賓 歲貢任兗州府訓導

滕起蛟 歲貢任四川成都府訓導

宋毓奇 崇禎 拔貢任陝西西安化縣知縣

李 珠 歲貢歷任壽光縣教諭

孫爾振 歲貢任萊陽縣教諭舉忠節祀名宦

于湛思 歲貢

王待時 歲貢考授知縣

郝 焜 超貢見鄉薦志

劉一儒 歲貢

王待聘 任定陶縣訓導

徐還醇 歲貢

王問官 歲貢

王問史 歲貢

國朝

順治

張鳴鑾 歲貢知州光宇之孫

王 偉 歲貢

賈漢策 拔貢歷任江南淮安府同知

房友箕 舉貢侍郎守士曾孫郎中泰亨之子

未仕回學肄業卽以老病自告

郝 恂 舉貢叅議綱之子未仕回學肄業

劉一甲 歲貢歷任寧海州學正

懷騰躍 歲貢任壽光縣訓導

劉竒芳 歲貢任東阿縣教諭

楊 芳 恩貢歷任陝西鞏昌府同知

郝 恒 拔貢舉人焜之子考授州同知

滕宗周 歲貢任夏津縣教諭

王師命 恩貢任浙江海寧縣知縣

王運光 歲貢副使官臻之子任郟城縣訓導

孫之恒 歲貢知縣慶桂之孫任陽穀縣訓導

王培厚 歲貢

王問禮 歲貢

劉闇脩 歲貢

康熙

緱應嵩 恩貢

韓宗愈 歲貢

王道光 歲貢副使宮臻之子

趙之韓 歲貢

王隆熙 拔貢推官國禎之子

張之瀾 淮貢知州光宇曾孫考授州同知

高璐 拔貢

齊河縣志
卷之六
三
例監

王綿熙

郝 炤

郝從寬 叅議綱之孫恂之子

王凝熙 推官國禎之子

劉源長 知縣慎獨曾孫

左德修

薦辟

元

劉 通 齊河人初授齊河縣總管累官德州

等處二萬戶軍民總管

明

張惟一 由明經儒士任浙江金華府知府

孫著 由人材任通政司左叅議

嚴宗本 由人材任江南太平府通判

楊士儀 由人材任河南尉氏縣知縣陞長史

武科

明

尹秉衡 副使綸之子登嘉靖癸丑科武進士

授濟南衛左所鎮撫累官左軍都督

府都督僉事保定等處總兵

賈湖 萬曆年武舉

李承教 萬曆年武舉

袁守賢 萬曆年武舉

于邦棟 萬曆年武舉

李華瓚 萬曆年武舉

王宮桂 封文林郎澤霈之子副使宮臻之弟

崇禎庚午癸酉兩科中式登丁丑科

武進士授河南南陽府守備加都司

銜

劉芳聲 崇禎丙子科武舉

鄭廷掄 由將材歷任遊擊

國朝

王虎臣 副使宮臻之子順治辛卯科武舉

張 袞 順治辛卯科武舉

李 耿 順治甲午科武舉

王懋昭 知府瑞之子順治丁酉科武舉

耿登庸 順治庚子科武舉

論曰按選舉之法古則論其德行今則校其文藝其實一而已蓋其文工者其德脩必不趨勢利而弛廉隅其藝精者其行端必不樂干謁而薄名檢文藝也而德行亦兼焉齊邑名公鉅卿大抵出自庠序間其擢以科目者旣能躋秩清華薦以明經者亦可致身通顯均原本經術潤色

皇猷孰得而軒輊之耶若夫膺武闈之選雖云業在韜鈴其敦詩書而說禮樂者不乏人矣例監一

途脩身砥行亦多翩翩佳士也烏能量其所至哉

鄉賢志

志曰賢何係於鄉蓋鄉之賢者也鄉之賢何以傳其行誼德業足以垂久而型世因躋其人於俎豆間祠而祀之所謂沒而可祭于社者非謂賢僅著於鄉也嘗考齊祠諸賢多名公鉅卿忠孝廉節之槩正氣卓行彪炳於寰區豈僅稱一鄉之善士而已以其名垂朝野而行孚鄉評故

謂之鄉賢云爾載在祀典世世食烝嘗於勿替此而不志非所以彰往哲風來茲也作鄉賢志

藥 憚 明永樂甲午舉人歷任通政使在兵諫時與尚書忠肅于公協力同心經營籌畫卒成回輿之功萬曆間祀鄉賢

趙亮采 明成化甲辰進士歷任長蘆運使幼以孝聞母卒水不入口者三日自期以至大祥悉遵禮制父瀛卒塋長清鳳凰山下廬於墓側每旦夕慈烏數十翔集又桃李重花人

咸以爲至孝所感萬曆間祀鄉賢

尹 綸 明嘉靖戊戌進士歷任山西按察司
兵備副使居鄉接引後進指授講解窮日晷
無倦色學宮傾毀獨捐千金葺之有提學副
使袁洪愈紀其事萬曆間祀鄉賢

房守士 字備吾少孤貧生而穎異氣宇魁梧
豁達多大節識者已早卜其爲國家柱石列
諸生時攻苦下帷凡左國諸史以及綱鑑子
書靡不成誦偶談往事卽指畫如列眉母故

廬墓三年闔邑欲公舉其孝公曰此人子事
耳惡用以賈名也人愈重之學行兼優一時
無二後以應選入成均明隆慶癸酉薦北畿
亞魁登萬曆丁丑進士歷任大同巡撫兵部
右侍郎四建生祠兩入名宦一時有重望焉
又置田以贍養宗族急人之難如已事里閭
之被德者指不勝屈以病告卒於家累贈兵
部尚書孫泰亨承蔭歷任鳩卽雲初蕃衍所
謂天之報施及其身復及其子孫者非公其

孰當之順治二年祀鄉賢

王澤需 以子官臻貴贈文林郎植性端方操行嚴介雅好施予不惜傾囊以濟人艱苦親友賴以舉火者不一家見人有宿怨構忿必居中和解一鄉爲之取平故邑中稱重義輕財者必先贈公焉順治二年入鄉賢

姜一鵠 性聰穎喜讀書與兄一鵬並擅文名於時由歲貢授訓導陞文縣知縣後調廣靈縣其居官也司庠教則稱良師爲邑令則稱賢

良吏居鄉盛德尤人所不及順治二年祀鄉賢

趙胤振 號錦曇字聖苞性倜儻尚氣節九歲能文八歲以神童稱之及長博極羣書順治乙酉薦於鄉登丙戌進士授阜城令邑頗衝瘠號稱難治公勸墾以復農業課藝以作士風大有惠政未期年調繁衡山時湖南兵燹未定邑城廢頽公抵任卽招集流亡修城堞謀戰守屢破土寇大有奇功俄而逆闖餘黨

突陷湘潭隣境望風瓦解或有勸公棄城去者公不許乃灑泣誓守城陷遂以身殉焉雖卹典尚缺而大節凜然真可謂與日月爭光者矣順治十年祀鄉賢

張光宇 號鳳崗字子陽生而聰慧起家白屋心術正大舉動光明十二歲文已大成鄉里有以差役簽封翁名者公詣縣自白求豁縣尹見而竒之試以文大加稱賞遂免前役且館於定慧寺給月供令讀書弱冠補弟子員

嘉靖辛酉領鄉薦筮仕延津令地素磽确頻年荒歉公賑恤多方歲旱不雨公五禱五應雨皆不出延境民各置公生位祝於室紳士各爲詩作策帙以紀其事考滿擢安守安固濡易之區公設隄防備渚洩給牛種召流亡弛莞蒲之稅民獲賈販之利後以隣封誣抵人命事執法不屈稱疾告歸居里杜門課子弟捐金助婚塋施粥賑饑餒人有侮者帖然受之良善之名闔邑至今傳之康熙元年

祀鄉賢

郝天相 以次子綱貴贈文林郎爲諸生時有
文名家法醇謹不輕是非人物至人有急難
空乏望門投止則解衣推食若將不及卽家
無長物常假貸與之自公父省祭官諱經緯
母張氏樂善好施至今人稱爲郝佛家云康
熙三年祀鄉賢

張廷謨 字牖宸明萬曆乙卯科領鄉薦矜廉
好禮剛直無私與人游絕不媿阿居恒檢身
亦不肯一毫踰禮法外昔嘗有稱公者云心
術如一片冰壺纖塵不染立品似千尋峭壁
邪徑難攀咸傳以爲寔錄焉康熙二年祀鄉
賢

郝焜 字躍如明崇禎己卯科領鄉薦醇厚
坦易事繼母以孝聞友愛尤篤與弟綱同視
席刻勵文行先後掇巍科更擢謙守約歛跡
公庭屏絕干謁卽生平睚眦一切坦然不校
稱爲盛德君子康熙二年祀鄉賢

賈漢策 字洛俊性端慤長文章順治年拔貢授興平知縣陞淮安同知未幾解任歸鄉居不入縣庭閉門養靜客至則杯酒論文讌談終日有籬菊悠然之風洵歷榮宦恭儉如布衣時人以此重之康熙四年祀鄉賢

論曰按齊邑鄉賢載在祀典固享飶芬於鼎俎者有年矣其間補闕諫垣居喪廬墓或才裕經濟立朝而朝錄其勲庸或德能發祥起家而家傳其清白或循良奏績吏治與卓魯齊聲或慷慨殉身大節與張許比烈此皆世久彌彰足爲烝嘗生色者其得世祀也誠宜哉然齊亦有懿德表著而祀典未舉者姑別其媿以爲將來地焉

齊河縣志卷之六終

齊河縣志卷之七

贈廕志

志曰書贈廕昭

國典也虞紀延賞所繇來遠哉竊嘗觀之
國有大慶

一人覃恩凡爲臣子者莫不陟崇階受恩寵繫父於
子繫妻於夫生承綸綍之光坳荷綏錫之典以
及其嫡子亦得齒讓于成均受一命之榮享作
室之澤不其優且重與然必勲猷茂著不愧喬

齊河縣志 卷之七 職官
木斯足當之耳不然不幾負此煌煌

盛典耶故特備著之使觀者知所豎立焉作贈廕

志

孟璉 以孫養性貴贈都察院右副都御史

孟宗儒 以子養性貴贈都察院右副都御史

尹欽 以孫綸貴贈承德郎戶部主事

尹天章 蘆板寨巡檢以子綸貴贈承德郎戶

部主事

尹綸 兵備副使以子秉衡貴贈驃騎將軍

都督府都僉事

張朝爵 以子光宇貴贈文林郎河南延津縣

知縣

孫弘道 儒學教諭以子慶桂貴贈文林郎河

南林縣知縣

房璿 以孫守士貴贈通議大夫兵部侍郎

房巍 以子守士貴贈通議大夫兵部侍郎

房美輪 以子泰亨貴贈奉議大夫刑部貴州

司員外

王澤霈 以子宮臻貴贈文林郎江南崇明縣

知縣

郝天相 以子綱貴贈文林郎直隸永年縣知

縣

劉復亨 元總管通子襲父廕累官淮西道宣

慰使都元帥加奉國上將軍見忠烈志

劉浩 復亨長子中統四年襲千戶

劉澤 復亨次子累官荆湖北道宣慰使

劉澧 復亨三子知長寧州

劉淵 復亨四子累官安遠大將軍副招討

穎州副萬戶

劉無晦 淵子襲父廕累官河南江北行省督

鎮撫加宣武將軍

樂繼祖 明通政使憚孫由祖廕官詹事府通

事舍人

房美輪 侍郎守士長子承父廕未仕

房美奐 侍郎守士次子承父廕未仕

房泰亨 美輪子承祖廕官刑部郎中賦性豁

達搯行果斷多才畧尚氣節初仕前
府都事陞右府經歷累任刑部員外
卽卽中所至有聲時獄牘紛紜疑難
不辨公獨身任之畧無震驚庚辰主
京察大計壬午回籍時事倥忽兵燹
大變鄉人皆流離逃亡不遑寧處公
設大計固城守又安撫亂民康沛等
八百餘人邑賴以安乙酉部堂特薦
馳驛至

京師後以候補回里卒於家

房乾亨 羨與子承祖廕未仕

論曰畢力殫誠臣子之義褒封錫廕

國典之公推恩所及爛然盈門噫厚矣哉齊之贈
廕固不一人要皆一命以上者其有積勞於下
亦得如

令甲請焉蓋所以作忠亦所以教孝鼓舞一世以
成其治者也嗚呼人臣而被優寵如此其所以
報稱者當何如哉

齊河縣志 卷之七
忠烈志

志曰人臣立一日之名節植萬古之綱常者其
惟忠乎位有尊卑時有常變所遇不同而揔不
得以二心叅之昔孔子之對定公曰臣事君以
忠嗚呼盡之矣歷稽往牒成大名垂青史炳炳
入寰至今繹其事想見其爲人猶令人貫日丹
誠勃勃欲動則微而顯之幽而闡之不足啓奕
襮之觀感動後人之則倣歟是以國史雖傳其
名邑乘不可不載其事蓋詳其里居而知其地
之鍾靈辨其家世而知其族之卓犖則一邑之
風俗人心所繫豈尠哉亦有志存不辱臨難不
苟不必盡彪績朝堂也一日之意氣干雲身甘
蹈刃亦足以廉頑立懦烈士宜與忠臣並著焉
作忠烈志

劉通 字仲達齊河人初從嚴實歸元授齊
河總管濟南府知府宋將彭義斌攻齊河圍城
三匝通令守埤者植槩如櫛俄而撤去宋人惧
其向已也大潰義斌僅以數騎免累遷德州等

齊河縣志 卷之七 忠烈 六
處一萬戶軍民總管

劉復亨 通之子襲爲行軍千戶李瓊叛特遣使招復亨復亨立斬之時討賊兵雲集濟南乏食復亨盡出其私蓄以濟軍世祖嘉之賜白金五千兩復亨固辭至元十年遷征東左副都元帥統軍四萬戰船九百征日本與倭兵十萬遇大戰敗之以功累陞鎮國上將軍淮西道宣慰使都元帥

劉珂 古倫鄉人以直諒稱正德六年流賊萬餘騎抵齊河東岸值河水泛漲知縣李秀壘令沉船賊因不獲猝渡及夜城中士民皆遁珂遣妻女出惟幼子鑄從之次日賊以門板成筏渡河薄城下亟攻城陷賊執珂及子鑄以刀恐之使索婦女珂曰徧城皆我親故若助汝搶掠就羞殺了何面目見鄉里你寧殺我賊怒先以刀斷鑄臂珂不視憤罵益厲賊並珂縛于世科坊殺之至今人相傳誦謚曰無似劉珂羞殺了論曰天地剛大之氣因人而付而寔不擇地而

生齊邑之在天下嵩嶽之崕嶺也然而正氣所
鍾賢豪代有觀劉將軍之兩世同心劉烈士之
父子遇難豈非所謂鞠躬盡瘁見危授命者與
則表而出之庶以愧天下之食祿養交苟全性
命者抑以勸天下之公爾忘私不避艱險者
孝義志

志曰百行之原孝實基之天經地義洵爲人倫
所首重蓋其誠孝一念出自天性不關學問也
彼誦法孔孟終身孺慕者固足尚已乃茅簷白
屋不咏蓼莪之章而五情慘怛竟有遺羹負粟
所不逮者豈非天性所植良有足多者耶獨是
聞見未周而窮隈幽谷不無脫漏今獨取耳目
確有可據者書之庶不_不失強者割股弱者廬墓
之誚已至於獨行偏節雖未盡爲中道而利物
同患舍已濟人其義有不可泯者並存之無非
爲風世勵俗計也作孝義志

朱 銳 中成化癸卯鄉試任知州母早卒父
玉任曲陽知縣成化年致仕卒於家銳哀毀骨

立葬祭一依古禮廬于墓側朝夕哭奠日負土於墳三年坑深丈餘知縣趙清爲之立石題曰朱孝塘

趙維魚 少孤貧聰穎特達篤學力行事母菽水承歡曲盡敬愛比母歿哀毀不食幾至傷生築墳高如丘陵人稱純孝焉舉戊午鄉試第二人登甲戌進士授河南儀封知縣未之任卒于家才猷未試壽不償德人莫不惜之

侯承恩 父諱仲舉任陝西通渭縣典史值賊騎掠境劫財仲舉往勦之戰敗被擒承恩後至卽奮力擊賊救父脫走未幾賊騎復合圍承恩碎磔焉撫按交章奏卹立祠于神仙嶺山東督學鄒聞而嘉之置忠孝傳家四字扁其門

馬朝才 制行端方賦性孝友父歿廬墓三年朝夕不懈至兄弟異爨又讓產不取時出已物以贖其不給明崇禎簡院司授冠帶扁其門曰純孝又曰孝友樹聲 國朝順治十年奉旨給銀四十兩建坊旌之

張天質 本縣鐵工也居城北關凡有時物異味必多貲買之屏子女奉養父母有司嘉其孝屢扁其門曰純孝

張 涓 齊河人急義好施金明昌五年詔復之終身仍著於令

秦 著 順和鄉人歲饑嘗蠲粟千石以賑貧民有司立石紀其事

王從禮 字公義樂善好施嘗以已貲建廟學一所仍捨田三百餘畝以供春秋祭祀師生廩

膳之用凡朔望必集鄉耆儒士拜廟講書未嘗少懈至正間歲歉以納貲授敦武校尉富國塲鹽司令有元學士張起岩記其事

翟 艾 仁和鄉人歲饑蠲粟五百石以賑饑民有司立石門表其義後成化十三年再出粟賑饑例授冠帶

李從教 募修 聖廟補葺橋梁以濟人利物爲心至老不倦邑稱善人焉順治間有司以其事聞院司扁其門

論曰至德要道古今之大閑也然而難言之矣
菽水言歡列鼎致奉誰無罔極之情而千古一
帝惟以舜聞聖門七十二賢惟以曾閔著豈虛
聲詭行所可託乎齊邑俗素淳厚一事一行皆
本至性如朱趙兩先生孝節苦行至今嘖嘖人
口非耳食也明矣而侯孝子知有親而不知有
身馬孝子稱于邑而復稱于國樹宅里之風聲
微若人其誰與歸若夫一節之行如翟李者亦
斯世所罕覩也是以列其名並誌其事以俟夫
觀人風者得焉

列女志

志曰從來觀人者朝則忠臣野則孝子似無與
女子事然化起閨闈不曰關雎王教之端乎彼
理織紵司饗殮非有性道之聞師友之訓詩書
禮義之磨也乃甘荼茹藥之死靡他有偉丈夫
所不及者是安可不書夫死生亦大矣而矢志
不辱狗節捐軀嗚呼烈哉表章賢于文誥風教
速于置郵有國家者于僻閭委巷守義不回者

務爲旌揚意之所寓遠矣作列女志

賀氏 田興立之妻年二十五無子興立病亡誓不再嫁孝養姑舅以禮自閑白首不踰有司奏聞詔旌表其門及葬立碑紀之後有取爲德政碑者遂使顛末無聞悲夫

趙氏 知縣趙鑑孫女庠生劉應熊妻也年十七歸熊能修婦道熊病篤日侍湯藥許以身殉及熊沒潛入寢室從容就縊人皆傷之事聞特賜旌表邑人朱銳作文祭之

王氏 贈兵部侍郎房巍妻及笄于歸能修婦道巍未壯而歿氏撫遺孤守志艱苦備嘗志行無玷延師教子掇高科成大名勲業卓冠當代人稱爲苦節之報後贈爲太淑人

宋三姐 鄉民宋輦之女儒士杜永寔未娶妻也永寔以中風故女聞之不食臨窆欲以身殉父母阻之其慘淒時形於色未幾有求配者女卽引剪自刺其喉父母急救之乃免久之又有生員藉媒求輦輦慮女幼恐不克終欲許之女

齊河縣志 卷之七 列女
以父母不遂其志乃飾爲言笑異于平常母以
女獲所歸無他念安枕而卧女潛起佩永寔原
聘釵梳以線密聯不露肌膚自縊于寢門而死
時明嘉靖二十三年事也夫女以巾幗者流而
乃從容堅烈如此所謂表表自立者非耶惜未
被旌典是不無湮沒之嘆

滕氏 陳忠妻年甫二十生子廷佐僅週歲忠
卽故氏慟傷不食誓以身殉姑燕氏拊氏泣曰
汝死如老身與幼孤何氏曲從姑命始進食後

值大禳氏并日而食百結而衣奉姑甘旨無缺
嘉靖戊戌歲姑歿營葬畢有伊舅強媒逼嫁氏
破面以死拒謀遂沮知縣郭衡上其狀按院奏
聞詔有司給銀三十兩建坊旌表焉氏年八十
餘卒今石坊在東關路南墓在縣東北半里許
有石碑紀其事

董氏 彭朝相妻年十九相故止一女氏萬苦
千辛堅貞以守年八十故有司扁其門曰貞節
鍾離氏 鄉民鄭按民妻民歿勵志孀節天啓

六年有司上其事詔建石坊旌之額曰表揚貞節

孫氏處士王蘓妻知府瑞祖母也年二十夫故止一子尚在襁褓家計蕭條傍無依倚氏以節自誓之死靡他年七十餘子復前遊庠序食廩餼孫瑞舉孝廉有子有孫亦可謂苦節之報齊氏贈文林郎郝天相妻舉人焜叅議綱庠生熠之繼母也封太孺人年十六歸相生一女早殤僅二年相歿前三子方齟齬姑慮其年少無出太孺人誓不二姑憐其堅貞聽其自守姑性素嚴肅太孺人事之雖蔬水無不得其懽心撫摩三子一如已出伯仲皆貴顯季亦成諸生有德望至今九十餘猶紡績勤勞不已噫使孺人當二子貴顯時而能揜持不渝人猶謂貪慕富貴無足異者獨是二三孤遺呱呱聲泣且戚非已出而能堅貞苦節如此難矣難矣雖旌典未及會有時耳姑志之以發潛德之光其諸孫遊國學業庠序者數十人咸以爲貞節之報

楊氏 儒童宋承運妻氏年甫十七歲歸宋未
及一月夫歿無子堅持貞節白首無玷後至八
十歿士人以詩咏其貞烈有一生心比瑤池雪
千載名留彤管香之句惜莫有以其事聞者至
今旌典未及

論曰女子之賢詩詠之矣無非無儀惟酒食是
議無父母遺罹如斯而已乎此爲偕老者稱之
也盡有早失所天而別鵠孤飛者從一而終易
言之矣因思女之事夫與臣之事君一也故女
子之行莫先于貞貞難矣而烈尤難貞烈之婦
難矣而貞烈之女尤難今據昔乘所載抗節守
義累累若而人皆已經旌表者更爲博採里巷
豈今不昔若乎進父老而延訪之惠寵錫而旌
揚之似不可緩勿諉曰上下嚴覈文移間阻而
使蘭蕙與凡葩同盡也



齊河縣志卷之八

古蹟志

志曰世有升降運有變遷滄海桑田自古嘆之則有興有廢理數之常無足異者然後之人盱衡往事每流連而不忍去蓋亦感慨係之矣齊河彈丸邑無名山大川之勝徃聖先賢其寄跡托踪者或湮沒不傳而一二古蹟尚彰彰在人耳目故國之丘墟可考舊邑之遺址猶存前哲之稅駕地以人名豪士之嘯歌人與地著皆可



爲憑吊之一助也茲備述之俾後之君子得以
識往昔而覘興衰焉作古蹟志

晏城 縣西北二十五里齊相晏嬰采邑今依舊
趾爲鎮晏城驛亦以此名

舊高唐 在倫鎮西北離縣六十里卽綿駒故里
齊威王謂使盼子守高唐趙人不敢漁于河亦
此地也今城遺址尚在

耿濟渡口 在縣東一里耿弇拔祝阿濟渡處卽
今大清橋口也

野井亭 按通志在濟河北岸卽春秋齊侯唁公
於野井處也今址無存

飲馬池 在縣北八里店路傍漢淮陰侯下齊過
此飲馬處也舊有坊今廢

看花臺 在倫鎮西南隅元德州路總管劉通所
建今廢

論曰茲邑往蹟湮沒靡所考詢惟有善歌故里
高唐爲最著且盼子守此而趙人不敢漁河詎
非昔所稱巖邑哉乃今訊之故老荒址雖存無

問雉堞矣晏大夫采邑歷代沿革非復吹竽蹋
鞠之盛而人煙叢集猶洋洋一大都會也雖左
氏野井闐然掃跡而通志諸書不猶班班可考
乎間嘗流連往史歎朝陽渡師拔祝之烈爛焉
及北過飲馬池慨然念淮陰之功而吊其不終
嗚呼一榮一辱千古同悼矣若夫劉侯位上將
四世簪纓何其盛也惜人去臺傾不第琪葩瑤
草化爲狐兔荆榛抑且孰能指其抔土耶我知
覽古者撫景揮翰臨風濡毫其增感慨之咏多
矣

墳墓志

志曰上古之葬者厚衣之以薪葬之中野不封
不樹中古而後見封之若堂者矣見若坊者矣
見若覆夏屋者矣見若斧者矣入墟墓而生哀
人之情歟然生而無聞歿則已矣北邙蒿里之
間纍纍者知爲誰氏之塚也趙文子與叔譽觀
乎九原文子曰死者如可作也我其從隨武子
乎使非利其君不忘其身謀其身不遺其友則

身後之一抔土亦同眠狐走兔耳烏能聲施至
今哉以此思哀哀可知矣作墳墓志

唐褒公段志元墓 在縣北二十里晏城南

元總管劉通將軍劉復亨墓 在縣西南三十里有劉無晦碑記

戚相公墓 在縣西南二十五里

判官岳寧墓 在縣北四里有大學士姚燧碑記

德州知州龔邦直墓 在縣西北二十五里龔家庄

明齊河縣知縣孟僕墓 在縣西二里有碑記

通政栾暉墓 在縣西七十里

知州朱銳墓 在縣西北三里

運使趙亮采墓 在長清縣東北鳳凰山下

副使尹綸總兵尹秉衡墓 在縣西北三里有大學士徐階碑記

中書舍人張潛墓 在縣西一里

都御史孟養性墓 在縣西二里有碑記

知縣趙維魚墓 在縣北十八里

贈文林郎張朝爵知州張光宇墓 在縣北十里

贈兵部侍郎房璿房巍墓 在縣西五十里倫鎮店

侍郎房守士墓 在縣東五里長清境內有諭祭碑記

贈文林郎王澤需墓

在縣西南二十五里

副使王宮臻守備王宮桂墓

在縣西南二十五里

贈文林郎郝天相墓

在縣東北孫耿店

知縣徐東漸墓

在縣西六里有碑

知縣孫慶桂墓

在縣西南八里

烈士劉珂墓

在縣北六十里

孝子侯承恩墓

在縣西南二十五里

節婦賀氏墓

即田興立妻

烈婦趙氏墓

即生員劉應熊妻

烈女宋氏墓

即杜永實未娶妻在縣東北一里許

論曰君子生則人愛之歿則人思之瞻彼丘壟有神理綿綿不與氣運俱盡者豈未施哀于民而民哀乎非是則雖玉帛金雁厚葬何為死固不若速朽耳荒煙野草斷碣殘碑其有犁為田摧為薪者何限也齊之墳墓凡有功業之垂與夫忠孝節烈者皆識之至于人命之榮亦得備書所以重先達也若夫禁樵採嚴芻牧此司民社者之責而植松楸崇宅兆孝子慈孫亦共篤

此愾愾之誠哉

藝文志

志曰稽文自三代以後終軍白麟對曼倩上林
疏文章之盛無出於西京矣逮太冲三賦貴紙
價於洛陽光羲諸詩盛傳誦於海內何莫非此
都人士哉齊邑接壤鄒魯素稱文學當其時豈
無載筆摛詞之士登高作賦遇物能銘以自成
一家言者其文辭不少概見何也其有之而失
其傳耶抑世代曠渺風霜兵火湮沒磨滅散棄

於山崖墟莽之間未嘗有愛惜者故傳之不克
至今耶茲於蒐羅之餘見元明以來斷碑殘碣
遺文墜什拂拭而鈔之多有瑰麗可喜者與鄉
先生鴻篇並採而彙集之郁郁稱大觀矣作藝
文志

重修文廟記

明提學副使 袁洪愈

壬午歲予校士齊河謁孔子廟望其殿廡則肅然尊
也登講誦之堂閱其齋室則截然整也氣象聿新使
人與感喜於教有裨焉有司白曰此鄉大夫尹公綸

所修葺者費計千金歲歷五稔公蓋以家事營之故
視諸宇工緻數倍乞有言予訝曰噫尊聖賢嘉師儒
勸學興禮以風庶民有司首務也茲不能而以屬鄉
之縉紳不其舛哉詢故則曰府庫之竭也民力之瘁
也誠然無足恠者縉紳由學而成遇其蕪敝力足有
爲而更新之亦無恠者獨恠夫有司知鄉縉紳之功
而不知愧已之不能知己之不能由於財竭民瘁而
不知所以致此竭且瘁者則有故也治有本末務本
則隆務末則窮理勢自然不可易者宓子鳴琴而單
父治言子絃歌而武城化豈異術哉今之有司簿書
期會獻享迎送非不井井條理可觀至本之問則偃
偃乎莫之知至以禮樂教化爲不急之務嗚呼可痛
哉蹟劇總於綱維至理存乎轆轤爲治苦繁而曰不
暇務本安望其府庫充而民生樂耶今之爲邑若齊
河者殆十九爾已學宮之在邑若齊河者殆十一爾
已非有司之不能曷以見鄉大夫之賢夫士大夫之
居鄉冀安於人厚積於嗣乃恒情也其有談詩書謝
城府好施予僉稱難矣瘠已贊公類崇要不沽名

不徼惠可不謂賢乎齊人貶容舖而仲尼沮封鄭人議執政而鄉校幾毀在昔且然矧今茲乎生是鄉覩先達所爲心私淑焉好義忘利先國家之急而後其私充斯念也不爲聖爲賢不已焉則尹公之是舉也其所裨益不小也適予遷秩再過齊河欲謝公而公已逝矣善不可沒也遂紀歲月以授有司

倫鎮廟學記

元翰林學士

張起巖

古者人生八歲皆入小學故家有塾黨有庠術有序所以教之也齊河治之西有倫鎮舊安仁鎮也民居

富庶俗尚忠厚鎮東舊有文廟歲久摧敝况地下水多趨之故基不能立鎮大姓王從禮字公義覩斯廟之不堪告於縣尹李侯曰吾家園之北有田一區平坦且高願以已貲建廟學一所移寘聖哲塑像仍以已田三百畝供春秋釋奠朔望祭祀暨師生廩膳之用尹曰茲善事也宜亟爲之乃經營於至元辛巳之春九月殿成神門亦起凡朔望從禮必集鄉耆儒士拜廟講書未嘗少懈迨至正巳酉歲歉入錢米於官授敦武校尉富國塲塩司令未任遘疾一日召妻朱

氏幼子璵及壻劉受益囑曰廟學未完璵未能讀書
吾所最歎者身後汝等力爲之則無憾矣尋以疾終
劉受益繼其志董工期年堂廡齋儲一一周完璧繪
賢像從祀諸儒金碧炫燿燦然一新樞密議事平章
王懋德大書大成之門四字金飾揭於門楣縣尹李
師曾曰廟學之興王從禮創始之功迺婿劉受益成
終之美宜紀之以勸來者於是持張戾之狀來請起
巖仰惟聖朝內有國監路府州縣皆設教官民五十
家立爲一社每社設立學校一所擇通曉經書者爲

學師今倫鎮居民三百餘家從禮獨能以已貲建廟
學一所捨田三百畝供釋奠祭祀師生廩膳可謂篤
於嚮善者也婿劉受益孜孜用力以迄于成可見其
繼善之不忘也宜繫之以銘銘曰潭潭新宮像設威
嚴亦有新學堂齋具全青衿誥誥朔望趨事相其耆
儒以嚴告祀生徒萃止誦詩讀書宜底於成以勵其
餘茲學有廟亦有供且廩膳師儒亦云有素師旣安
止學徒聿興樹立鴻猷宣揚美稱魯北齊西厥土肥
沃產材孔殷其人如玉聖賢是希正塗是趨哀衣峩

冠爲君子儒正俗移風於茲取則揆厥所源緊學之力

學田記

大同巡撫兵部右侍郎加贈兵部尚書

房守士 邑人

齊魯生雅好儒術又吾邑多文學之士然地當東省之衝政煩用侈民鮮素封士生其間者多稱貧焉國初補弟子員者不過二三十人大約多廩食者迺後日漫以盛今青衿之士又數倍於前矣其廩食者如舊額不廩食者恒滿百而處約者蓋強半叅之士有從業之憂時麟塾趙侯置田爲之倡而諸生賴以敬

業僉屬余記其事余謹按古井田學校二法相爲表裏選士者皆於農取之而商賈藝技不與焉故當時士皆有田無饑寒之困得專心於三物之教而不涉奇袤之行其經畫之意最爲淵懿故得人爲盛自井田廢罷養士無法躡躑擔簦之士往往俯仰於時以叨升斗故行毀業荒士不稱貴識者憂之然不可復也語曰善法古者師意茲舉也殆能通古之窮而得先王造士作人之旨與使今之爲士者皆有田今之造士者皆爲之置田豈不亦專心於業而不涉奇袤

如古之盛也雖豪傑之自樹奚必有所藉哉士之辨德也取諸困上之立教也資諸富富意各有當焉上以富資而下無以辨德卑卑然凡民之不若是豈其然顧余有過懼焉因以上置田爲多士告士固有豪傑自立之志矧上又有以資我乎噫審爾則造士者與士之自造相與有成矣故記

講武堂記

河南巡撫副都御史孟養性邑人

邑舊有演武塲在城之西北隅其地甚狹隘前阻巨壑而左右逼近居民逐時操練則相戒杜門灑爲流

矢所中居民苦之然沿習旣久當事者皆憚於改作未之能易也隆慶初縣尹孫公始注意遷城之西南隅購得民間隙地十有餘畝始末成而公解任去迄今又復十年相代者皆任其荒蕪鞠爲草萊迨我邑侯趙公至興滯補弊百廢俱起一日詢訪故事問所從來廼嘆曰有是哉夫文事武備皆不可缺我國家承平日久爾邑民二十餘年不睹兵戈之事一日有警則胡以禦之易曰君子以除戎器戒不虞故兵者聖人之不廢也矧我國家舊有定制天下郡邑皆

令設立教場以閱武事此又有司職分所當爲者豈可謂非急務而漫不之講歟乃考衆謀鳩羣工揆日以始事築臺爲基前建廳事三楹名曰講武堂後爲退室北作門屏周以墻垣於堂之異地令置將臺以樹旗旄規模宏壯煥然聿新計工起於本年三月之二十五日再踰月而工告成費不煩內帑工不勞民力不待督責而庶民競勸非侯之德化素孚而綜理周密何以能爾所謂說以使民民忘其勞一務興而衆善皆得者其是之謂乎落成之日邑博康君偕俞

君李君來僉曰是維侯之功不可以弗志也請余記其事余維侯才猷卓穎而治理精明下車以來銳意明作如置學田鑿泮池築壇壝繕城堞葺公宇侯之政績皆歷歷可稱難以殫述此特其一端云爾余故樂道之以識顛末侯姓趙氏名承芳別號麟埜河南彰德府臨彰人由鄉進士任今官其人品宦履皆宜書

重脩城隍廟記

孟養性

邑城隍廟建於城之西北隅麟埜趙侯來宰是邑歲

時展謁顧其門宇卑隘而廊廡傾圯乃喟然嘆曰治民事神皆有司之首務矧城隍祀典之神非淫祠比福善禍淫威嚴顯赫一方士庶咸所瞻仰夫幽明相爲一體而人神本無二道今縣治崇廣而廟宇隘陋如此豈非闕典乎迺自捐俸金以倡僉屬而令士民之尚義者量出錢穀以助工費不數月而工告成門宇壯麗巍然改觀矣居無何侯以內艱去任道士陳教寶以侯之命來請余記其事余維城隍之神三代而上未之前聞然自蕪湖建祠武陵修祀則自六朝隋唐而下已肇禋矣洪惟明聖祖議禮制度以神道設教酌古今之宜自嶽鎮海瀆山川社稷之神令天下府州縣皆設立城隍之神與郡守縣尹陰陽表裏禮樂之用政刑之務則守令司之鑒察之事善惡之報則城隍司之故善良益知所勸而祈其冥報奸慝皆知所懲而畏其陰譴知鬼神之情狀以濟禮法之所不及潛消其不肖之心而默啓其向善之路此聖人所以鼓舞天下之微權也以此推之神之功效所以爲民禦災捍患者匪輕其由來尚矣况聖朝著之

典章以爲一代之制又明神之所以敬共而有司者
當然之職分也然吏於土者多狃於故常而謂其非
急務其視廟宇若蘧廬然故坐觀其敝趙侯特倡是
舉使邑人望之儼然而興起其敬畏之心日遷善遠
過而不自知且歲時禱祀祈穀祈年賴神之休以穀
我士女其於護國佑民化民成俗之義備矣豈其崇
非鬼之祭而徼非望之福者比歟余因知侯之義舉
而亦樂其成也故因旌其意而識之

重脩漢壽亭侯廟記

河南儀封縣知縣趙維魚邑人

邑侯蕭公之治齊也崇禮以飭政敦教以風俗三年
而治成焉禮教大行政俗丕變境內之人無不務民
義敬鬼神凡有關於風化載在祀典者悉脩廢墜墜
日以改觀邑之先達者首新學宮以及於泰嶽通衢
上行下效翕翕然士民莫不興起矣邑西門外舊有
漢壽亭侯廟不知創自何許時歲久圯壞弗稱里人
崇奉之意蕭侯每欲脩之而以民困始甦職務旁午
姑日積月累而徐圖焉民間而相謂曰神陰翊茲土
而無寧宇侯不忍困吾民而躬居節省吾儕能獨坐

視乎於是義民張廷珩首出已貲以倡從而應者相踵若材若工悉集乃相率以請侯喜曰吾民尚義若此迺率僚友各出俸金以鼓舞之衆益趨以勸於是分理興事某某司其出納某某經其制度某某察其勤惰築垣墻脩大門砌甬道崇殿基新畫像起於二月迨五月工告畢役未踰時也窮鄉之民尚未知其興作聞而來觀者皆相駭愕曰是何神速乎爾又曰是何郁郁乎爾邑之士大夫乃撰其事謂余記余曰甚哉禮教之易以感民也甚哉民之易以禮教感也

往見有司者賦民奉國鞭笞累繫不能得則反視如仇讎焉今侯敬神一念而民卽應之若響非其平日綜理庶務舉合人心而能使之若此乎此可以爲上之感民者勸矣民之愛其財與力至爭刀錐舉手投足寧殆其身而不悔今邑之民感其上之一念捐百金効力爭先之恐後豈號令法制驅之而然乎此可以爲下之感於上者勸也蓋率民以教則其爲俗也多節義齊民以禮則其爲俗也多正直矧壽亭之精忠大節貫日月配天地者其爲民之所向非異異也

卽民之所以事神而侯之所以治民者可知矣故備述於左以俟觀風者之采擇云爾若夫壽亭之所以感人與人之所以感於壽亭者則其褒崇有歷代之卽封爵其懿行有不磨之史冊卽邑之人人能言之卽邑之人人知敬之其常新廟貌而世修厥祀也雖微茲記余知其不忘矣

新改南門記

河南巡撫副都御史孟養性邑人

邑城之南門前臨大清河不盈百步而河外卽爲長清境居民鮮少而車馬寥落無商賈貿易之事以故

時常閉閉不通往來且南北相錯坎離間隔士夫父老亦常以時言於縣公然啓閉靡常視爲不急之務至於改作則又憚於首事而重於避嫌蓋百餘年來莫有任其責者及陳侯至父老復以告乃躬自閱之則見其規模甚卑隘而勢漸傾圯已而嘆曰有司之事有大於此者乎夫城之保障而門樓雄視一方爲千百年守禦計而令頽敝如此其何以示威武壯藩籬哉矧茲門者臨水面山而位嚮離明乃陰陽之所交而風氣之所鍾者耶卽慨然有更新之志然以下

車之初上下未孚不遑也越明年政化大行侯曰可矣而又值有當道檄下遍令州縣脩理城池侯奉檄喜曰吾意也乃集衆思採羣謀以南門舊基東徙二十步許甃建新臺增以樓宇請於當道與城工并興人謀僉同旣而難其費復自思曰城工之用錢穀浩繁倉庫所蓄十動八九今門樓所費又不下千緡當道愛民情費難以復請縱蒙允俞然兩工并起而帑藏爲虛一有緩急胡以應之非計之得者也復與父老謀之父老曰此易舉耳昔年學宮損先大夫尹公首倡義舉白於邑侯蕭公墓民以濟迄用有成此前事之善軌也維君侯裁擇焉侯曰善因就余共語余曰善侯乃進耆民數十輩諭以大義俾各量力出錢穀以助工費而又自捐俸爲士民先時余與總戎尹公卽各以白銀二錠助之嗣是義民聞風而興起者數百人越月餘錢穀輻輳侯大喜曰吾事濟矣遂復請於司道聞於兩臺檄下卒如侯議乃命市民老成有計筭者數人司錢穀之出納而又慎簡督工官使敦匠事經理區畫詳審精密不踰歲工訖而樓亦告

成高棟層軒重簷飛拱煥然一新登而遠眺則又南
瞻岱嶽俯瞰清流光景超曠偉然壯觀矣爾乃下令
俾立集塲通商旅民尤便之一時老稚罔不欣喜父
老乃詣余請曰君侯有大造於吾邑不可以弗識也
願得公之一言以垂永久余維近世風靡崇彌文而
寡寔政安常者媮懦而憚事喜事者虛恢以取名視
民之利弊不啻秦越其又甚者則假公而私爲其身
圖求其治官如家若陳侯之用心者豈不鮮哉豈不
鮮哉余不佞愧不嫻於辭命無以贊揚休德然不忍
默默使侯之功後世無傳焉故因父老之意而述之
如此至於侯之清操德政則士民別有口碑後必有
爲之去思者茲不贅云侯姓陳氏名天策山西遼州
人由舉人任銘曰古我齊邑耿濟之鄉南有遺跡橋
曰朝陽歷代沿襲爲鎮爲坊比於金人始城始隍彼
時草昧旋覆于隍迨及明代菴有萬方築之鑿之乃
金乃湯四門穆穆亦旣有將維此南門斯干是傍鍾
靈毓秀把翠含芳乃塞其允習以爲常陳侯蒞止肇
發其祥革故鼎新思輯用光樓臺盤鬱棟宇飛揚如

竹斯苞如翬斯翔我侯謀之其制斯臧視國如家視民如傷匪棘其欲則篤其慶一勞永逸思患豫防俾我國家民用阜康樓之不朽侯之不忘千秋萬禩共景發祥

重脩定慧寺記

孟養性

邑有定慧寺者乃成祖文皇帝所建也先是洪武間選擇十僧分侍諸王時榮國公姚廣孝在燕邸首靖難之師爲佐命元勳賜第京師辭弗受居慶壽寺其徒有呂講經者初爲邑僧靖難師次濟南募兵山東

招集六郡良家之子給以銀盂使備行伍得精兵數千餘人自此天兵南下所向無前呂有力焉後以功欲官之辭不受乃爲建寺於齊河工匠皆遣自內府故其殿宇之制藻繪之飾特爲偉麗今垂二百年矣其寺之大門爲金剛殿殿之前有門爲山門歲久圯壞耆老劉楷等倡爲義社得錢壹百貳拾餘千是歲春住持明淳等乃請命於邑侯蒲公於是鳩材僦工重爲脩葺鼎新規模宏敞而氣象軒昂視舊爲改觀矣工成丐余爲記余惟釋教之入也千有餘歲矣儒

家者流則詆爲異端後世謂之儒墨然以余考之莊子天下篇所稱古之道術及太史公所論六家指要皆未之言及又嘗讀墨子書惟有兼愛三篇似其普濟兼利之意他如節用非樂諸篇大都主於治世而以勤儉爲宗與佛氏之旨不類有識之士姑存而不論可也此何以故夫道廣矣大矣無所不在無所不包仁者見之謂仁智者見之謂智三教九流百家衆技其原一也無彼我無內外無精粗高下遠近顯微者也譬諸水在地中江淮河漢異流而同源取之不盡用之不竭長鯨之吸川鼯鼠之飲河亦各以其分量而足矣故道不同不相爲謀必欲使之舍所學而從我其將能乎况彼之所論亦自爲一家卽其所謂定慧之說金剛之義直指心源而闡明性靈亦卽吾儒所謂窮理盡性之學惟精惟一之旨特其稱名取類義各不同耳夫定者真如不動之體慧者圓覺空明之用而金剛者長劫不壞之性真也一切衆生飄汨愛河沉淪慾海迷而不悟故必以此大知慧照見五蘊皆空六根爲礙四大皆是假各合認取本來

面目去妄歸真離苦海而登彼岸此大覺氏之真詮也詩亦有之曰帝謂文王無然畔援無然欣羨誕先登於岸夫登岸之說非循襲也而超然冥契其見固不凡矣大其心以體天下之物而達觀萬化之原則天下之適皆吾道也而又何必譁然與之分爾我較是非耶雖然余亦束於教者也彼其所論出世間法也極而至於人法兩空不可致詰余且安能知之哉余獨慨夫近世以來其流愈敝其徒愈盈而其教愈漓聖朝之制自京師以至天下郡邑皆設立僧會司緝流之衆數不下大千比之當時大比丘衆祇園聽法者奚超什千伯矣然諦視其所脩習者率不過持戒誦經以求福利而已終於流轉六塵拘攣四相無以入佛知見間有觀鍊薰脩精進苦行者又徃徃徒事空華而未窺寔際求其鍊金剛之真體契涅槃之妙心而真見如來於無相者果何人哉果何人哉今楷者外脩福德重新梵宇能繼二公之志而述其事卽吾邑之所謂幹蠱用譽者其志可嘉也余因紀其事而爲之畧衍其說渠固素有根器者竿頭更進以

至六度無該萬行皆備則所謂不住相布施不思議功德者可得而有也不然則雖姚呂功業亦如泡影夢幻終非正果又烏足以語大乘之教哉語已楷等乃再拜受教用鐫諸石以識歲月

重脩定慧寺禪堂記

都御史

耿如杞

館陶人

語云釋如日懸如月儒如五星摠言其燦列昭明不可一息或廢也然釋之寂滅懸之清虛不甚相遠其並提而著之也宜也至儒之精一其心廣大其道點私不留一真孤映且明白典寔長適於用較之釋以

爲旁門戒而不入以爲異端擯而不收者又何可同年而語而以如日如五星槩之豈其無所見而爲口頭浪談耶是有說焉如來之教其慈悲之心與惻隱之心一心也其空五蘊斷六根之功與克四勿節七情之功一功也其靜而不擾靈而生慧之機與定而能靜慮而後得之機一機也其普濟衆生度脫迷漢之法與安人安百姓之法一法也但彼之大旨主無儒之大旨主有標名取路差相殊耳聖人已無故以有爲訓佛老恐未至於無故恒訓其所不足嗚呼盡

之矣齊河定慧寺正殿之西有禪堂焉蓋幾二百年
于茲矣寺僧明東曾募緣重脩之今經三世棟宇簷
甍復漸圯壞居蒲團者若其上雨而旁風矣明東徒
之徒海朝者慨然有繼武之志以其募貲託之安思
義心空鳩工付之海欠旋聞之邑侯陳公公卽捐俸
額其募簿夫公之德風也從風而布施者人盡檀越
也遂得貲若干數鳩工趨事不日而成氣象昂峻藻
繪精工蔚然一新焉蓋禪心諦也心空而性見焉徃
而不禪也奚必拘拘焉堂之是構然此在火候已到
存則可初脩弟子非趺跏密室運鍊元神驟欲其蓮
花不染幾何不舉真身而沉之苦海也則堂之成也
是卽吾儒所謂學以致道取譬於居肆成事者也寺
之僧百餘其根器夙具苦持清脩坐悟返照不墮野
狐不事頑禪諸緣皆空正果獨結者將必有其人矣
是爲記

朱孝塘記

齊河縣尹

趙

清代州人

予拜官斯邑下車初見北路傍樹下一塘圍四丈許
深七尺餘鍾潦水清且漣今過者以爲美觀予問諸

左右皆曰邑之朱公廬墓濬此塘也詢其故又皆曰彼斯人者不忍親歿每旦夕間載筐及笮肩擔背負取此塘土積於親之墓上日積月累終三年若丘陵之高又築垣於界種樹爲林草木茂焉宿鳥棲焉寒鴉噪焉非直爲觀美也蓋欲親之骸與天地相爲悠久焉予聞之感而嘆曰天之所生地之所養惟人爲大人之所以爲人大率與造化類焉且如天缺西北女媧氏以天爲不足鍊五色石補之地不滿東南大禹氏以地爲不足決江漢水補之人親歿於地下子之心以閉藏爲不足積壘壠補之鍊石補天故天成決水補地故地平人子積土補親故骸存地平天成萬世永賴聖賢之心頗足親死地下骸櫬不泯人子之心始遂噫若公者觀其心彷彿乎聖賢之心論其績比擬乎地平天成之績盡天地間第一等事爲天地間第一等人可謂能厚其親者矣生事盡思死事盡哀者矣公諱銳字文威中成化癸卯鄉進士第先知南和縣民安物阜今知五臺縣事吏畏民懷其文章政事又吾道中之出類者遂不揣其陋而勒諸石

名之曰朱孝塘嗚呼塘不泯朱公之思亦不泯塘之
深朱公之思愈深覩其塘而思其親思其親而同其
久時有限而意無窮人子之心其庶幾乎朱公之心
其無愧乎噫觀此塘者寧不感於中而興起其愛親
之心乎故記

齊河縣舊志序

大同巡撫兵部侍郎加贈兵部尚書

房守士 邑人

齊河非古縣名也秦漢而下以至於宋宋僅一鎮耳
曰耿濟鎮金始置縣其縣城築於大定間然亦數百
年餘矣寥寥無記載者不佞齊河人自弱冠時從鄉

里長老言知邑志之不可已也顧邑有仕學前輩而
不佞初困博士業未能脫去旣而仕度支早夜懋懋
在倉庾出入簿書今且領一郡趨興都矣於志實秉
讓未遑也萬曆戊寅東牟陶君某來爲訓導講暇每
以邑中故實訪採諸生手釐次之復取裁乎令尹浦
公志斯成矣寄聲不佞曰某也東牟鄙人幸爲吏於
儒師翩翩然齊河水上游懼其無以解經通緯洩前人
所希論後學所不講顧肆力畢慮于彼一邑之書維
我及門生徒臭味相契者錯綜大義而邑大夫實削

正也其也何能哉執事雖宦于朝耿濟故里巷之意
諒有所存某敢以邑書獻願得一言爲弁不佞謂仲
尼春秋無論已卽晉乘楚檣杙皆能自立其邦域之
語用垂不朽蕞爾齊河文獻殘缺靈秀鬱秘久甚今
幸訓導君一旦創始抑或是舉也學校所職事焉齊
河故齊地其毛詩尚書周禮春秋諸經識其大者世
代變遷封疆分割不能無賴後賢乎吁吁嗟嗟此訓
導君所以志齊河也夫州土星辨肇于保章丘陵川
澤稱爲勝槩晏城采邑尚存遺基齊之善歌蓋綿駒
之倫鎮也均齊河境內也尚父就東時脩道術尊賢
智其流風餘韻可想而知何今之人曰齊俗急功利
喜夸詐則遭狃甫田諸詩証之爾鷄鳴犬吠達乎四
境亦猶今之編戶矣齊煮海水采黃金爲利而是邑
無若產焉顧不有秉耒耜觀黍麥登公家租稅乎兩
場望其時若也有年以爲祈有年而報賽之是壇祀
也中國授室養弟子萬鐘鄒人去齊矣而何漢以來
專門經說齊爲獨盛耶羣儒授受之壇鞠爲茂草而
今萃之學官養以廩餼固齊河之弟子也選舉之說

齊河縣志卷之八 藝文
網羅賢也齊固有用曲學以顯者然不聞千乘人帶
經荷鋤射策筮仕以經術飭吏治者乎選舉不可廢
典也齊河百里亦士者之林選舉於朝藝文華國不
則隱遯岩穴光靈不全衰歇誠可采錄也官必有著
績也人必有賢才也忠臣義士感觸乎詩書無足異
也閨闈之中凜然從一者彼視詩書何物歟倉之備
荒甲兵之備盜牧馬而接乎魯之堦也養民之老與
疾也厲而立壇也園曰漏澤也凡此皆一邑之大者
於是乎立其大綱自地里而下以及其綱之目若干
條是大小兼總矣予獨惜乎是邑也土地分割紀載
寥寥故畧采齊之往事反覆辨說用僭以名序且並
質諸鄉里長老云

重濬倪倫河記

房守士

邑西南去若干里而遙曰倪倫河倪倫舊浚河者也
環鄭家坡而北達馬頰以兼受諸野注日堙不治歲
害稼無筭切故水病壅民病水訟焚而賦不給吏始
病民而民益病壅夫水壅而導之安流民壅而導之
安野一役而兩壅除吏民兩相安而無患而吏士者

不暇則以動大衆易怨經大費難給成不赫赫勞且悄悄故不暇婆恤者有室於嘆途於議耳顧以歲苦水之民驅水何怨以歲浚水之力驅水何勞苟利於民安不赫赫而又安問赫赫力濟之歲戊戌張君侯斗南來治邑有狀條民所利病而是瀹是鉢不佞稍以所爲緩頰而意合遂進諸父老而屬之曰與子歲以填大壑無筭無寧單出力而逸子者永乎與子歲褰裳於無可償責之淵而奔號之無寧畚插雲如而勞子者暫乎今與子約地以畝有夫里以十有長地觀河之濱期視河之成役不畢作費不公給督不官讎於是已亥二月十六日始七月初二成延以里計百有二十深廣以尺計廣七有奇深四有奇起之處曰鄭家坡止之處曰三岔口瀕河而居者以什伯計其督水三老張輔禹等以十數計是歲水安流雨不害稼嚮之奔騰澎湃漚於蒼莽者今若寧驚俯首而束於樊嚮之望洋先咷日夜希半菽不入者今且篝車屬厭若祝以豚蹄而汚邪不觖嗟乎善爲政者因之最下與之爭是役也水不爭道民不爭渠則因之也予讀

幽詩曰以其婦子饁彼南畝田畯至喜夫幽之人帥其家人戮力以勤吏吏推其意以相民至於驩然兩相安而無壅則亦因之也君侯殆以利遺民而不愧幽之吏者哉雖然事不患難成而患易壞自昔賢知之士爲其民拮据捍患其遺跡往往而在使繼者盡如其作則天下豈有遺利予故志君侯之能民而屬繼者以因君侯蒲陽人諱垣斗南別其號

脩真武廟碑記

房守士

不佞屈指神譜其靈應於天下者何可勝紀僕數自皇天上帝而下有青龍白虎之說有朱雀元武之說迄趙宋避諱乃更爲元帝真君夫真君何自名乎蓋派衍天潢者也稽諸道藏真君生於開皇之元爲淨樂國王子當前星時五位顯赫塵情目之最難捐棄一統洪圖散常視之鮮不垂涎獨真君遺之若壤土餘蔬樂居泉石入武當修煉性真迨至超化以故關忠烈趙元壇王赤心輩僉爲之左右焉夫真君爲五方正氣之神自開元已然矣繫真君又非徒自超化已也願爲洪普誓翊上帝爲天地掃除妖氛度清區

齊濟州志 卷之八
宇造福元元然世之奉祀者不一惟真君爲最故天
禧間國有顯號其詔誥云洪惟真君定位陰方幽贊
上穹亶彰妙用蓋厥功之茂一世祀之以崇報者萬
世凜凜有生氣名曰元天上帝想北方黑帝之異稱
歟茲耿濟北店號馬寨有真君祠焉荆自嘉祥九年
更幾許而凌遲頽敝善士李萃張慎行等目擊愴心
隨狹小其制度而光大其規模於萬曆念五年告成
功焉獨患無刻銘耳幸又有生員張希孔善士馬應
乾結社行醮建石勒豎無壞之碑焉所以昭報賽而
垂令譽也心且計異日傾圮後當必有覩廟貌而興
思者倘再爲之恢弘光大未必非塊石之遺爲善者
地也因序之命鐫以圖不朽庶爲好施者之一勸云

邑人王瑞卿宰崇明生祠碑記 張溥 婁東

今天下何吏治之肅也聖天子勵精曷治勅部院使
者廉郡邑守令狀上政府殿最幾不爽錙銖而亦有
極意撫循可質衾影而偶不協於官評者雖然法在
朝心在野野人分輕於一毛心直於三代故心之所
非眴眴不敢出諸口格於分也心之所是淪浹難忘

獨深去後思焉思之思之尸而祝之社而稷之泐石而頌之膺仕之竹帛寧有真不真而窮鄉之棖桷無假此皇華之咨諏所以不遺原隰乎崇耿濟王公治崇未兩期中蜚語去崇民如嬰兒之奪母攀轅不及邑士民特置祠未已也邑之南折而東越百里許有堡焉聚堡內外而居者幾與邑埒父老相與謀曰吾鄉民之受侯澤何啻邑中邑有祠而鄉無祠何侯之澤下於邑者報之厚而下於鄉者報之薄也於是鳩工聚材籲憲立祠堂庶楹宇森然貌侯於堂冠裳色

咲儼疇昔豎穹碑於左以記之而問記於余余惟侯之治崇庶績熙歟兩造平歟鶴鳴青莎魚懸枯壁歟五伯影滅食肆而叫呼不驚鷄犬歟開鄭國渠斥鹵化爲膏壤靜萑苻之盜寢黑白之丸蚩蚩者得安枕而卧歟此皆侯平日營於堂皇宣於四野記之而不勝記者也將又何記焉父老膝而前曰侯德於荒政尤鉅而南洲之民受德於侯者於荒政尤渥歲已巳秋大浸稽天陽侯殺稼萬井絕烟火流離瑣尾之子轉於溝壑侯按部而踏勘者諸沙無遺芟每見一望

皆黃塵白瀉家鳴號戶喘息侯爲之掩袂歛噓請賑不能捐俸不足計畫無之則屬耆老而告之曰捐有餘補不足天之道也何忍相殪載道無一好義之民漑釜而救人於一髮千鈞乎於是諸沙有應有不應而宮墻慕義之士如沈季明諱廷楊者體侯德意出千緡以給貧民散金錢無已則布粟布粟無已則設糜侯親詣堡中視糜之溫清多寡而飫餒者若慈媪之於啼兒見有屍高而不下咽則拊摩而繼以泣堡中施糜凡五月有奇而侯之不車不蓋不兼蔬以往不於堡中如之當其時南洲之民垂斃而獲復甦者萬萬計至今子女之婚配耕織得留殘喘於海濱皆侯之倡義有以生之也非侯也久已化爲青畝之冷風黑淤之朽骨矣夫鄉之民有一寃事白於庭免一死而得一生其家且刻木而祀以效桐鄉之祝矧侯之於南洲免萬死而得萬生雖欲不衣冠而俎豆也其何能已已余聞之駭然嘆曰甚哉三代之直之在斯民也侯拙於催科而勞於撫字崇之民不能叩閭而請令侯長子孫於崇而侯之汪濊優足於崇民之

子子孫孫弗替引之若侯真可謂民之父母也卽南
洲之民心爾爾而闔邑之民心可知今天子下採民
謠且起侯以霖雨天下則天下之民心猶一邑之民
心也侯之維四方以毗天子寧有旣哉祠立於堡中
關帝廟東經始於崇禎五年十一月旣望落成於崇
禎六年春三月之朔侯諱宮臻字瑞卿登崇禎元年
戊辰進士山東濟南府齊河縣人記成爲之頌曰於
皇濊澤滲漉百川天吳之宮絃歌駢闐馮彝汜濫饑
饉連阡鳩形鵠面委壑隕淵救荒無竒倡義孔先矯
詔逾黯設糜法謙之死致生去後思緜畏壘之墟尸
祝萬年彼其華轂胥應眴眴何如樂只棖桷永傳三
代之直泐石志焉

邑人王瑞卿守禾郡德政錄序

施鳳來

平湖

今夫文章與吏治有二道乎蘇長公論文嘗寓言于
稼矣爲之說曰多藏而少用厚積而薄發余謂于吏
治亦然試之煩劇而氣乃閒投之艱大而識乃定卽
之案牘之糾纏錢穀之紛冗而才始足以四應歷之
以建大事定大計而見始足以孤行乃先輩立論又

云文章所貴在于真神吏治所貴在于真品其言真神非求之尺幅間也筆墨之先挾靈氣以相嘘聖賢精神恍惚欲露此非積學淡至未足幾此若真品非求之才力之揮斥事業之炳耀也淵淵內持者皎然不受一塵可以對天地可以格鬼神可以當廣衆而不忤可以聞雷霆而不驚可質之衾影盟之屋漏而不愧不疚率此以端表帥辦幾務尚何吏治之不光哉郡侯王公戊辰歲余較春闈所甄拔士余向之知侯者以文章今茲知侯者以吏治卽今茲之吏治余向者已卜之文章而今始信其不謬也侯賦性清剛識見超卓當筮仕之初卽矢志勵操慨然以天下爲已任勁骨熱腸不矯激以明高不強飾以沽譽義之所在斷而果行眩之利害勿顧也余之知侯以吏治者豈僅區區功業間哉侯蒞禾幾二禩郡中事大非昔年比寒暄不時雨暘愆候疵瀉交作蝗蝻滋害若天札若是者人變于下歲事不登僻野寒簷向隅無訴則病在民徵餉徵漕心冀急辦饑疫之衆法無可

施則病并在官所恃者綏寧撫卹咸知戴恩嗷嗷窮
黎不敢憑志以逞耳侯一人肩若衝爲之曰擾不爲
之曰竄爲之緩踈而坐失爲之急又駭而生他侯之
心愈艱侯之慮若事乃更欵委周詳矣侯之治禾其
政事鉅用不脩細無不舉絲絲井井百務釐舉紳士
父老不敢狀侯血丹所經畫冀廣其傳垂之永永緝
德政贅數言繪其事屬余鑒定披閱之餘具見種種
苦心若而事其果足以盡侯政哉余之知侯者雖不
在是是亦侯吏治之一班云侯他日翼贊宸猷佐臻
上理余不揣猥膺爲天下得人之譽矣今茲政成循
聲鼎沸不先爲我郡幸得人哉

邑人王瑞卿守禾郡德政錄序

蔡懋德 古吳

姑胥去禾郡盈盈止隔帶水其地之民風俗尚與夫
農田水利及歲事之豐稔荒歉警息之守禦防衛無
不共之自吳越來素稱澤國云吳地之澱山湖鸞胥
湖與太湖相表裏水勢最屬湍悍若蘆墟三白大蕩
則禾之咽吭翁受北來之水者也至太湖浙之湖郡
直之吳郡嘗郡所總轄汪洋無際環而浸者諸郡邑

視水澤之盈虛以卜豐歉自昨歲庚辰夏霽雨連旬
河流暴漲傷禾我郡公祖父母日焦心爲救荒計郡
之紳若士且聚而謀曰禾爲我吳唇齒郡其上官之
策彌荒者未審計安出善則吾地急師之備計之未
周流移之衆絡繹南來禍之胎也未幾聞公設法平
糶饑民賴以生活我郡亦次第舉行至秋新穀登雖
較比歲大遜民之安其居業者幸稍稍寧宇今辛巳
春流寇聲息狎至江以南諸郡戒嚴兼以海寇跳梁
聯艘戡使意圖內犯吳之屬邑太倉禾之屬邑鹽官
當湖俱薄大海號首衝我郡日惴惴爲防禦計聞公
時給兵餉以作敵愾鞏固金湯以壯干城飭行保甲
以嚴稽察脩築敵臺以備屯衛事大備警耗旋息公
之深維苞桑者慮至周矣至夏時當揮藹旱魃肆虐
飛蝗蔽天米價憑貴十倍于昔小民皇皇無有固心
聞公平糶如故復設法賑以粥糜民之賴以生活者
又不啻萬餘計至秋災疫流行死亡枕藉公捐俸資
辦藥餌召醫人診治施療鵠形菜色之民不至盡爲
溝中瘠其市井無賴囂凌圖逞者不敢聚以爲奸公

綏寧之功隣壤咸被其休寧止禾郡實賴之余官中
州每詢家鄉近耗知敝地災疫稍不如江北之慘與
禾郡較則迥異我公之憂國課郵民隱天時人事挽
回補救幾耗心力憶公曩年借寇隣邑爲地方任咎
竟以官去迄今尸祝謳誦者如一日徙倚十餘年出
守嘉禾其大節清操涼涼介石者終始不渝而練達
明敏過之余昔備兵禾中值海孽颶躡浙西惛惛震
隣內地莽戎虺睨蹙躍憑以逞志時之憂者在人公
之守禾災荒流行歲儉民困憂者在天今天下士大
夫以爲江南樂國仕于其土者可以醉豐樂而閨膏
腴且與彬彬名賢君子論道談文高卧而致休明不
難也孰意近事之孔棘乃若此禾中舊門下士不敢
泯公兩載幹理苦心蒼緝德政二十條郵致署中示
余因索弁語以余知公深義不容吝筆墨噫余何足
以知公哉余之知公者唯此飲冰一念矚然無累者
而已余近自巖塞量移山左悉公家居狀環堵蕭然
布袍晏如杜門養重卽余造廬請教不敢數數也其
清約自持者類若此漫述數語何足以概公政若事

爲公重也

邑人王瑞卿守禾郡德政錄序

曹

勲

嘉善

余不佞每讀漢史推言吏民之本歸之良二千石而所傳循吏如河南渤海之屬大要清謹自持居以廉平上不煩而民不擾夫廉者多峻峭而難於平平者或寬大而短於廉故鳴絃坐嘯之吏一切破觚圓通非不雍雍都雅以示寬大而究也使人習忼承偷操失于委轡而網漏於吞舟而範身清約者每孤行一意操下如束滋用法如凝脂威稜凜凜非不勵其風

裁而究也家股弁而人脅息使人救過有所不暇而郡侯王公冰蘖飭已平易近民其廉平之懿績余按王氏之譜而知有以襲芳而媲美者矣其綺紈不御綦縞自親似王伯重之守安成其抑強扶弱賞罰嚴明類王叔治之理魏郡其政持大綱治歸清淨如王休徵之佐彭城其麤糲爲餐清泉自酌又似王希孝之刺江州其民懷慈母吏稟神君絕類王仲山之理懷郡其裁蠲冗費紓息民力則又似王文卿之留浙西其不畏豪右挺立無回則王子野之蒞陝州其六

案塵清百蠹雲掃則又類王度一之守台宕乃更祈
澍驅蝗賑饑掩骼朝不暇櫛夕不安枕惴惴焉爲窮
黎請一日之命則王翁孺之全活萬人者乎不事鉅
筭以著察不爲墨屎以自蒙不偈僮叢挫以廢閣而
窟鬼蜮之奸亦不鈐聽淵察以皎皦而炫精明之理
廉平之治卽方古之循吏何多讓焉余又攷公家景
叔植三槐于庭曰我居官無忤後世子孫必有爲三
公者乃身筦戎樞而子文正翱翔鼎鉉論道黃扉孫
仲儀承明起草白簡紆丹珠聯璧合綿綿其無替也
今我公政成矣繇茲而登華跋廡身依日月之旁而
子孫雲仍接武鳳騫龍躍騰驥雲路則不惟增光于
家乘亦且焜耀于國史令人羨廉平之吏其食報于
栞葉正靡暨也余不佞拭目俟之矣

太湖石銘

石在干
楸園內

長蘆
運使

趙亮采

邑人

石哉石哉鍾泰山之靈歟抑澗谷之秀歟空際洞徹
崎嶇廻旋若馴象之蹲踞匪工人之雕鐫聞昔萬戶
移之城內不知幾年令尹公趙與我以賢獲此良友
乃樹亭前坐立相對朝夕親焉後之賢者鑒於此篇

於戲悠哉永世以傳

詩

齊城八景

泰山南峙

代州朱銳邑人知州

神功劈鑿太荒前磅礪東郊鎮百川雲騎盪胸盤削
地海鰲神臂直擎天古今頒祀崇封禪齊魯鍾靈誕
聖賢切仰宣尼登望處乾坤六合一丘田

長嶺東環

朱銳

高岡隱隱起城端地按青陽境界寬窈窕一灣如月
抱蜿蜒十里似龍蟠秀鍾芹泮人材盛瑞藹花封吏
治安幾度登臨停使節望中春意滿吟鞍

濟水左繞

朱銳

源派誰將禹穴疏南來如練眈清虛一圍玉帶鏤人
傑百里金城壯帝居沙暖每生持鴈蚌水清端出化
龍魚朝來入海爲霖雨還把乾坤草木蘇

文廟古槐

朱銳

槎枒枝幹傲寒冬古老相傳不計踪泮水屯雲棲白
鶴宮墻吐霧躍蒼龍春風染杏聯芳翠化雨滋芹接

蔭濃自是儲靈延壽永千年植此鎮儒宗

官堤陰柳

朱銳

誰培清景壯齊城風拂微搖翡翠輕夏月陰籠千樹
黯春郊色映百花明征鞍落絮增遊興祖席垂絲繫
別情我有小庄分此趣學陶漉酒醉昇平

漁舟晚唱

朱銳

天外閒雲物外情綸竿晚唱徹巖城波心返照驚鴻
度舸上炊煙伴霧迎身任浮沉忘一醉歌隨風雨起
三更從來都道江南好篔簹笠今傳耿濟名

寒沙棲鴈

朱銳

白蘋風露望中收月映沙明起暮愁排陣喚回千里
信橫空驚起一聲秋祇因避繒圍蘆岸不爲惜飛夢
雪洲待得東風歸上苑扶搖霄漢任遨遊

隱城蜃氣

在城北三十里柳行店西其地曠野無村落每於日初出時東立西望儼然空中城市雉堞整齊至辰時始沒此亦蜃樓海市之奇觀也

朱銳

蒼茫曉色黯迷漫隱隱山城鏡裏看海國畫樓驚幻
影林巒粉堞聳奇觀依稀萬井迷春樹變化千巖疑
翠盤堪笑昔人勞費築霜凝百雉角聲寒

雜咏

古井甘泉

齊河蕭塾
訓導蕭塾
常熟人

邑城西畔湧寒瓊一脈千年徹底清
太華蓮香堪比味中冷泉瑩可同名
銀瓶注去消春睡石鼎烹來解宿醒
我欲汲將千萬斛釀成雲液醉昇平

晏城遺趾

蕭塾

欲富強齊土地饒築城曾此駐旌旄
西封千里開疆界東鎖重門震海濤
將命喜能申辨譎計功可忍逼食桃
更慙不識宣尼父誰謂當年屬俊豪

耿濟古渡

蕭塾

赤幟平齊過魯時威揚重整漢官儀
義共誅莽冠羣牧名將扶劉振六師
建策南陽功已合惠民耿濟姓還遺
遙思誰識當年事惟有清河是故知

古倫義塾

代州朱銳
知州邑人

傳說當年義士名大開館穀聚羣英
家庭詩禮分洙泗鄉社絃歌繼武城
黃卷藍袍親樂育錦裳珠履厭逢迎
沉芳石刻今猶在一讀酸然一愴情

題賀節婦

朱銳

嫦娥一死重乾坤舊礎文磨姓尚存大塊有天昭志
節故原無地覓芳魂千年化鶴歸城郭半夜啼鶻傍
野村氣作清風終不散惟隨明月照黃昏

烏巢白雛

朱銳

郊原喬木敷陰森驚看烏巢出素禽黑霧霽中偏現
色白雲數處只聞音奮騰玉翮凌青漢倦歛綃衣息
翠林化育興祥端有自承明帝德合天心

題靈應觀

元兵部郎中 王德淵

雜木扶疎滿院陰解鞍仙界愛清深三間小殿朝真
像萬歲新碑祝聖心雲靜垂虹藏石鼎月明舞鶴趨
瑶琴煉師不授長生訣倦客搔頭動苦吟

題齊河東察院壁

都御史 熊冲

蕭將節鉞步雲程扶弱鋤強兩用情戀闕頻飛天際
夢觀風時向壠頭行要將赤子無冤抑肯使園扉怨
不平珍重百僚應自勉老夫側耳聽賢聲

挽趙烈婦

代州 朱銳 邑人 知州

一聞夫喪哭聲臨卽斷香魂地下尋景運熙時鍾正
氣皇天后土識真心椒房死節傳家國竹帛垂名播

古今神護壤泉藏烈魄丘原草木振徽音

弔侯孝子

通渭進士 閻淳

誰構潢池作寇讐却教慈母運征籌臣因靖難傷金刃子為愛親斷玉樓泰嶽齊名天地老渭川流恨鬼神愁聖朝何地崇忠者仙嶺茫茫碧草秋

和前韻

河南巡撫 孟養性 邑人 副都御史

自古春秋重復讐一門忠孝羨同儔手揮羣盜霜迎刃月吊英魂夜滿樓渭水空流邊塞晚蟬聲如咽野風愁遙知此後芳名在青史應傳萬載秋

和前韻

左軍都督府都督僉事 保定等處總兵 尹秉衡 邑人

無端寇盜敢為讐父子捐生苦運籌壯節已銘仙嶺石高名堪並渭陽樓人間忠烈應長在隴外風煙亦合愁惆悵祠堂幾春草年年空憶故園秋

挽趙烈婦

舉人 王魯 邑人

雅羨高門婦捐生見獨真自憐臨訣語誰託未亡身借老盟難遂殉夫志已伸緣知光嶽氣完在比忠臣

前題

夏津 姜一鵬 邑人 訓導

禮教家聲舊綱常念獨深從容殉大義感激見真心

行入貞娘傳名題太史箴事關風化重千古未銷沉
千楸園八景 園在城西南隅

翠栢含煙

禮部侍郎

錢謙益

常熟人

萬年蒼翠集虬龍瑞色氤氳煙霧重日午風生宜遠
眺恍疑身到飛來峰

檻竹吟風

萬竿玉屑奏笙簧鳳翥蕭蕭憶楚湘長嘯深林惟月
到琴音風度晚生涼

池荷敲雨

水泛金莖秋露盤溪邊細細響瑯玕六郎佩翠調天
樂冷韻輕敲出畫欄

鯤池破浪

習池水色映銀河浪煖香飄萬里波風透重淵雷雨
奮神鯤得水不須多

松亭坐月

趺坐松亭花欲語不開團扇消殘暑倚雲貪看月華
明画角樓頭去幾許

雉堞環山

尋芳曲砌花爲徑環翠歸峩山是城林木翳然幽意
遠一天秀色度新晴

竒石古銘

何年鬼斧鑿雲根元代驚看赤字存百穴晴空通玉
女孤峰猶有老龍痕

西渚觀瀾

數頃波光一帶圍洋洋臨樂可忘饑徜徉欲渡無舟
楫漫作溪郎唱晚歸

千秋園雜咏

兵部侍郎 賀世壽 丹陽人

故園雲樹久迷離半帶空濛月影移籬落偶然皆竒
眺買山何用覓幽竒

竹徑依然翠影移園丁無復供新枝烹茶水味江南
好更憶柔荑初茁時

思渴誰言才盡時千行未竟寫懷詩停杯應解揮毫
意銀燭初殘月漸移

一枰閒對漏聲遲勝負欣然不費思客夢怕隨淺醉
後更闌猶自戀殘卮

題千秋園壁

齊河縣知縣歷任 宋祖法 汝南

芳園闢向繡城隈鴻雁邛秋萬里來檻倚琅玕金石
奏亭環翡翠畫圖開淋漓雨露秋千樹咲傲煙霞酒
一杯星聚鷄壇皆大雅溪鷗何事更相猜

和前韻

濟南府 吳文幟 錢塘人

雲山疊翠枕城隈昔日維摩今又來古木似因苔蘚
合幽花若向客顏開離離別館藏書屋漠漠垂楊拂
酒杯獨我晚迴題勝槩野鷗無事莫相猜

和前韻

常州府 吳南岱 常州人

剗却荆榛上作隈依然蒼翠逼人來蝸石舊存雲未
去草堂初葺徑還開和成白雪珠盈席釀得青秬酒
滿杯自是君家多後裔滄桑一任莫疑猜

和前韻

刑部 房泰亨 邑人 郎中

半畝荒園闢水隈蓬門竟日客稀來池邊草色孤城
映眼底浮雲近市開知我惟憑籬下菊論文深負掌
中杯機心自分渾忘盡鷗鷺從今不用猜

和前韻

房泰亨

三徑蕭蕭城闕隈樹頭時有好風來喧中避俗俗方
劇愁裏問花花未開世路峻巖惟看劍年華荏苒且

銜杯只今湖海誰知已奇字無媒漫浪猜

咏邑人王瑞卿守禾郡德政

柯聿 嘉善

薰風相佐鳳來遊一點燃犀炤九州常護中原歌天
保每寬仁政撫窮愁業追上古真堪羨名顯當時罕
有儔始信此番蝗早息祇須欣頌太平秋

又

郁之章 嘉善

紫氣遥瞻出尚方漢家功令重循良揮金夜色凝霜
冷琢玉天工化日長滿境蝗蝻憂麥穗半天甘雨洗
琴裝福星不是人間種禾地欣餘一座香

又

金之俊 嘉興

長水寒翎媿鳳毛依棲猶托覆雲高書承舊業雖無
斲卧藉威嚴實有叨滿野桑麻沾雨澤兩年饑早費
焦勞安恬尺土寬天地浩蕩鴛湖春水濤

又

陳之遴 海鹽

南國棠陰通四郊仁聲久已最丹青春風拂座絃歌
沸秋月盈簾冰雪操遍野饑荒心夏苦隨身琴鶴治
彌高澤留鴛水千年在旦暮鴻飛赤鳥遥

送賡庭馮邑侯之衡陽別駕

副使 王宮臻 邑人

沉涵禮義聖賢儔手挽靈鈞入帝州殺氣欲消心血
熱仁風丕暢口碑稠恩流濟水千年潤德茂甘棠萬
戶留彼楚有天逢化日可禁齊國嘆長秋

送學博趙百男歸膠州

王宮臻

金門仙子育英才詩酒憑凌何壯哉氣震莫耶冲漢
斗唾生珠玉動風雷上林日近天顏喜北闕雲蒸泰
運開綵鳳重啣五色詔夔龍端捧玉皇來

河決汜漲水没大清橋

王宮臻

吼翻河伯倒山催四遠齊城混混來客至河邊驚危
險龍遊橋際任徘徊日中波現光如電夜半聲聞响
似雷九折瀆宗天外轉人間始羨濟川才

贈朱展也縣尉勘水

王宮臻

借棲黃綬稱香吏君更雄才障百川齊國水薰依佛
子玉堂冰署待詩仙鵬程初試摩天翮鯤浪方知跨
海船唾手千秋眼底事漫誇瀾瀾竚砂前

論曰余志藝文兼取二家例凡名宦游士篇咏
關於齊者載之若齊邑名作非關於齊者亦得
載焉用程篁墩新安之文獻志例也鄉先生文

集有傳誦於世者祇登百一從呂成公文鑑例也翰墨胪列洋洋纒纒詎徒取其摘詞已哉其間表名流之芳躅揚閨媛之貞烈邈制度之沿革詳民生之利弊皆可以備觀省彰勸戒者斯錄之耳他若古蹟英躔之地足供登眺而舒襟懷則名公吟咏大爲景物增色矣又安得而畧之哉

寺觀志

志曰寺觀者何緇流黃冠之所托跡也志寺觀

者何志之正以嚴之嚴之正以防之也齊之寺觀不多見其錄者大抵爲古蹟之所留遺耳近未有特爲剏建者也雖然蚩蚩者氓豈無有相率而惑於竒袤者乎故可慮也今特載其久於境內者數十而他與焉是亦務民義而遠鬼神之意作寺觀志

定慧寺

在城西門內明永樂年勅建

龍光寺

在縣西關元延祐年剏建後燬于兵明成化七年復建內有浮圖今廢

興福寺

在縣東北十六里唐靖國元年建年遠傾圮明弘治年間復建

興隆寺

在縣東北孫耿店唐咸亨年勅建明嘉靖年重修

崇興寺

在縣北二十里馬寨店東元至元二年改舊蘓林寺為之明隆慶四年重修

寶林寺

一名表白寺在縣東北五十里唐時建至元二年建浮圖今廢

草寺

舊積慶寺在縣東北五十里唐時勅建明萬曆年修

金華寺

在縣西北晏城鎮齊無鹽生公主處舊址在晏城鎮西今移鎮北相傳云係晏

嬰宅基

觀音寺

在縣西北晏城東元大德年勅建明嘉靖四十二年重修

陳姑寺

一名三教堂在縣北三十五里

安樂寺

在縣北七十里

龍泉寺

在縣北四十五里宋家庄明嘉靖九年勅建

釋迦寺

在縣北七十里至治年勅建

月陽寺

在縣北七十里乾隅頭東明弘治五年勅建

崇興寺

在縣西北三十五里華店明景泰年勅建

五龍寺

在縣西四十五里元至元間勅建

法雲寺

在縣北五十里

永慶寺

在縣北七十里高王店

大安寺

在縣西五十里倫鎮店金皇統七年勅建

青龍寺

在縣西南二十里張村店

慈恩寺

在縣西三十里劉洪店元皇慶間重建舊有輓塔七級今廢

延福寺

在縣西南二十五里劉江店金大定三年初建歷代修葺康熙十一年重修

聖音寺

一名賈家寺元大德三年建

善興寺

在縣西七十里菩薩堂

智果寺

在縣西北五十里棗里庄元大德年初建

洪教寺

在縣西北五十六里天宮院元大德年初建

張仙廟

在城隍廟東

廣生廟

在城隍廟東即靈應觀

玉皇廟

在城西半里

三官廟

在縣北關明正德八年初建

晏公廟

在縣東門外路北今廢

部君廟

在縣西南八里明嘉靖四十二年初建

三官廟

在縣西十八里明弘治年初建

演馬廟

在縣西北二十里舊有古廟遺址不知何神相傳嘗有神人演馬於其處倏見倏沒乃以紙闔書數神卜之三括皆東嶽天齊隨於萬曆十七年建廟因以演馬名

之

玉皇廟

在縣北四十里安頭鎮東南有大阜高丈許博言掘之有異霧明萬曆二十七年因建玉帝殿以鎮之

寺觀

真武廟

在縣北二十里馬寨店明嘉靖九年勅建萬曆三十一年重修邑人侍郎房守

士有記

二聖廟

一漢關聖帝一隋趙二郎 在縣西北晏城鎮明楊守勤北上過此夜裏朱衣

二神人拜手相迎告以春闈萬言策中語遂狀元及第後返遂自記其事

論曰從來勞以定國死以從事捍大患禦大災

有功德於民而人尸祝之宜矣而寺觀在在有

之亦在在祀之其義何居蓋二氏之教已歷千

年其說浸淫於士大夫而滋蔓於小民槩絕之

不得也茲統彙其名數使人曉然知禋類之典

不在此等而祈福禱禳者可以止矣雖然吾道

炳如星日苟倡興教化身之脩而家齊雖談苦空

說衆妙亦何害哉

